



**Sierratjehppavarresvuoda
dievnastusá sáme álmmugij**

Åvddåbágo

Vuonarijkan la miján akta álggoálmmuk, sáme álmmuk, ja sáme pasientajn la riekta avtaárvvusasj varresvuoda- ja huksodievnastusája sæmmi láhkáj degu álmmuk ietján.

ILO-konvensjåvnå nr. 169 art. 25 milta galggi álggoálmmuga ietja varresvuoda dievnastusájt hábbmit ja tjadádit, vág álggoálmmugijen la nav alla fusulasj ja mentála varresvuoda dille gå vejulasj.

Sáme álmmuk la åbbålattjat oadtjum ietjasa sierratjiehppevarresvuoda dievnastusáj dárbojt gábtjådum dábálasj sierratjiehppevarresvuoda dievnastusáj baktu. Árvvedahtte giehtadallap moadda sáme pasientajt mijá skihppijviesojn juohkka ájnna biejve. Moaddi dav dahkap váni diehtemis pasiännta l sábme, ja ienemus bále giehtadallap dajt váni diehtten liehkemis daj hásstalusáj gáktuj ma sáme pasientajn soajtti liehket gá mijá lusi båhti.

Fállat “pasienta varresvuoda dievnastusáv” sáme álmmugij merkaj varresvuoda bargge hæhttú diehtet nuohkásav sáme giela ja kultuvra gáktuj ja jut fálaldagá sisadno ja organiserim la sáme pasientajda hiebaduvvam.

Nasjonála varresvuoda- ja skihppijviessoplánan (2016–2019) oattjoj Varresvuohta Nuortta RHF dahkamussan várajda váldet strategalsj ávddånahttemav sierratjiehppevarresvuodadievnastusájs sáme álmmugij. Dát strategidjarappårttá la dan dahkamusá vásstádus, ja ávon lip gá dállo dáv rappårtåv ávddånbuktep. Rappårttá dættot dievnastus galggá vuohkasamos láhkáj organisieriduvvat, jut miján galggi plána ma guosski dutkamij, máhtudaklápptimij, aktisasjbargguj ja dievnastusåvddånahttemij, ja jut gákja ávddånahttem ja innovasjåvnnå galggá dáhpáduvvat sáme álmmuga háldon.

Varresvuohta Nuortta la viehka dudálasj gá lip Sámedikkijn buoragit aktan barggam dájna dahkamusájn. Gijttep Sámedikkev, gákja guovlulasj varresvuoda vidnudagájt ländav miehtáj, suohkansuurge organisasjåvnåv (KS), sáme fáhka- ja dutkambilrassa, addneåvdåstiddjijt, luohtádusulmuttijt ja iehtjádijt gudi li viehkedam dájna vuostasj strategalsj plánajn sierratjiehppevarresvuoda dievnastusáj sáme álmmugij.

Gijttep Lars Theodor Kintel, Kintel AS, julevsáme járggålime ávdås.

Strategiddjadokumænnta «Sierratjiehppevarresvuoda dievnastususá sáme álmmugij» giehtadaláduváj sierra ássjen biehtsemáno 22. biejve 2020 aktisasj guovlojgasskasasj AD-tjåhkanimen Varresvuohta Nuortta RHF, Varresvuohta Gassko-Vuodna RHF, Varresvuohta Alle RHF ja Varresvuohta Oarje-Lulle RHF háldadusdirekteraj. Konklusjåvnnå AD-tjåhkanimes:

Varresvuhta Nuortta RHF, Varresvuhta Gassko-Vuodna RHF, Varresvuhta Alle RHF ja Varresvuhta Oarje-Lulle RHF háldadusdirektera guorrasí jut strategiddjadokumænnta *Sierratjiehppevarresvuoda dievnastususá sáme álmmugij* giehtadaláduvvá aktisasj stivrraássjen tjuovvovasj vuorodimij milta:

- a. Strategiddja lasedum kvalitiehttaj ja máhtudahkaj sierratjiehppevarresvuoda dievnastusán álon vuoroduvvá, lahka aktisasjbarggon vuodavarresvuoda dievnastusájn.
- b. Dagáduvvá nasjonála doajmmapládna mij guoská varresvuoda dievnastusájda sáme álmmugij.
- c. Guovloj varresvuohavidnudagáj ávdåsvásstádusá milta bierri joarkket barggat sáme sierratjiehppevarresvuoda dievnastusáj badjásasj organisierimijn. Modælla 1, udnásj organsierimav ávddånahttet, oajvvaduvvá.

Sávvap jasska ja avtaárvvusasj varresvuoda dievnastusáv sáme álmmugij.

Bådåddjo, 2020 biehtsemáno

Cecilie Daae
háldadusdirekterra

Geir Tollåli
fáhkadirekterra

Sisadno

Åvddåbágo.....	2
Sisadno.....	4
Ordliste/forkortelser – Báhkolissta/oanedime	6
Tjoahkkájgæsos.....	7
1. Álggo	9
1.1 Duogásj	9
1.2 Guoskavasj dokumenta	10
1.3 Sáme pasientaj riektá.....	10
1.4 Dahkamus.....	11
1.5 Mandáhtta	12
1.6 Badjásasj ulmme	13
1.7 Prosjevta organisierim	13
1.7.1 Gåktu lip prosjevtajn barggam.....	15
1.7.2 Addnij oassálasstem	15
2. Sáme álmmuga varresvuoda- ja iellemdille – mav uddni diehtep?	16
2.1 Álggo.....	16
2.2 Addnij dárbo.....	18
2.3 Psykalasj varresvuhta	20
2.3.1 Máná ja nuorra ållessjattuga	20
2.3.2 Vahágahttem ja ráhtsatjime.....	21
2.3.3 Iesjsårmim	22
2.4 Somatihkka	23
2.5 Geriatriddja.....	24
2.6 Hæhkkamedisijnna ja AMK.....	25
3. Udnásj sierratjehppavarresvuoda dievnastusá sámija	27
3.1 Varresvuhta Nuortta.....	27
3.1.1 Finnmárko skihppijviesso	28
3.2 Varresvuhta Gassko-Vuodna	34
3.3 Varresvuhta Oarjje-Lulle	34
3.4 Varresvuhta Alle.....	35
3.5 Aktisasjbarggosjiehtadusá	36

3.5.1	Aktisasjbarggo sierratjiehppevarresvuoda dievnastusá ja Sámedikke gaskan	36
3.5.2	Aktisasjbarggo guovloj varresvuoda vidnudagáj gaskan	36
3.5.3	Aktisasjbarggo suohkanvarresvuoda dievnastusá ja sierratjiehppevarresvuoda dievnastusá gaskan	37
3.5.4	Aktisasjbarggo rijkkarájáj gaskan	37
4.	Strategiddja boahtteájge sierratjiehppevarresvuoda dievnastusájda sáme álmmugij	
	38	
5.	Dájma ma máhti buoredit sierratjiehppevarresvuoda dievnastusájt sáme álmmugij	
	40	
5.1	Guoradallat sáme sierratjiehppevarresvuoda dievnastusáj badjásasj organisierimav – modella oajvvadusá	40
5.1.1	Modælla 1: Nullamodælla – udnásj organisierimav ávddånahttet.....	41
5.1.2	Modælla 2: Sáme klinikhka HF – njuolggá Varresvuhta Nuortta RHF vuolen	42
5.1.3	Modælla 3: Aktisasj varresvuoda vidnudahka – Helse Sápmi HF	43
5.1.4	Modælla 4: Stáhtavidnudahka – Helse Sápmi SF	43
5.1.5	Gåktu prosjæktajuogos árvustallá iesjgenja modellajt	44
5.2	Nasjonála doaj mmapládna sáme varresvuoda dievnastusájda mij guosská suohkan- ja sierratjiehppevarresvuoda dievnastussaj	46
5.3	Sihkarasstet kvaltiehtav ja máhtudagáv sierratjiehppevarresvuoda dievnastusán.....	47
5.3.1	Sihkarasstet kvalitehtav ja ávddånahttet máhtudagájt sáme giela ja kultuvra birra sierratjiehppevarresvuoda dievnastusán	47
5.3.2	Sáme klinikhkav nannit ja ávddånahttet.....	50
5.3.3	Sáme dálkkumdievnastusáv ávddånahttet nasjonála fálaldahkan fálaldagáj nuortta-, julev- ja oarjjelsámegiellaj	52
5.3.4	Ásadit sáme fáhka- ja addneværmádagájt guovlo ja rijka dásen	52
5.3.5	Sáme varresvuoda juohkusijt álgadit	54
6.	Låhpadibme.....	57
7.	Referánsa.....	58
8.	Tjuovos 1: Sáme klinikhka visjåvnná ja ávddånahttemdåjma	63

Ordliste/forkortelser – Báhkolissta/oanedime

AMK	Akuttmedisinsk kommunikasjonssentral
BUP	Barne- og ungdomspsykiatrisk poliklinikk
DPS	Distriktspsykiatrisk senter
FOU	Forskning og utvikling (Dutkam ja ávddanahttem, DjÅ)
HF	Helseforetak (Varresvuohavidnudahka)
HOD	Helse- og omsorgsdepartementet (Varresvuhta- ja huksodepartemænnnta)
LMS	Lærings- og mestringssenter (Oahppam- ja bierggimguovdásj)
RHF	Regionalt helseforetak (Guovlo varresvuoda vidnudahka)
SAMINOR	Helse- og levekårsundersøkelsen i områder med samisk og norsk bosetning
SANKS	Samisk nasjonal kompetansetjeneste – psykisk helsevern og rus (SÁNAM)
SF	Statsforetak (Stáhta vidnudahka)

Tjoahkkájgæsos

Ulmme strategijajn «Strategicasj ávddånahttem sierratjiehppevarresvuoda dievnastusájs sáme álmmugij» la dahkat badjásasj plánav dâjmaj ma ávdedi avtaárvvusasj sierratjiehppevarresvuoda dievnastusájt sáme álmmugij rijkkadásen. Avtaárvvusasj sierratjiehppevarresvuoda dievnastusá merkaj sáme álmmuk oadtju dievnastusfálaldagáv mij ij la ráddjidum geografidjas gielas jalik kultuvras. Pládna la návti tsieggidum:

Kapihtal 1 tjielggi duogátjav, mandáhtav, badjásasj ulmijt ja sáme pasientaj riektájt.

Kapihtal 2 gávvit sáme álmmuga varresvuodav ja iellemdilev – mav diehtep uddni?

Stivrrimjuogos la gávnnam guhtta suurge gánnå varresvuoda bargge hæhttui sierraláhkáj gáhttit gielalasj ja kultuvralasj hiebadimev:

1. Máná ja nuorra ållessjattuga psykalasj vávij ja gárevselga vávij
2. Vahágahttem ja ráhtsatjime
3. Iesjsårmim ja dasi hihkalit
4. Somatikhka
5. Hæhkkamedisijnalasj dievnastusá
6. Geriatriddja

Kapihtal 3 gávvit udnásj sierratjiehppevarresvuoda fálaldagáv sáme álmmugij

Kapihtal 4 gávvit gálmå strategidja majt rádedip gå galggá sáme sierratjiehppevarresvuoda dievnastusájt ávddånahttet:

1. Strategidja sáme sierratjiehppevarresvuoda dievnastusáj badjásasj organisierima hárráj.
2. Strategidja nasjonála doajmmapládnaj sáme varresvuoda dievnastusájda mij guosská sihke suohkan- ja sierratjiehppevarresvuoda dievnastusájda.
3. Strategidja gáktu nannit sierratjiehppevarresvuoda dievnastusá kvalitehtav ja máhtudagájt.
 - Nannit ja ávddånahttet máhtudagájt sámegiela ja kultuvra birra sierratjiehppevarresvuoda dievnastusán
 - Nannit ja ávddånahttet Sáme klinihka ja SÁNAM:a nasjonála dâjmajt
 - Ávddånahttet sáme dâlkumdievnastusáv nasjonála fálaldahkan nuortta- oarjjel- ja julevsámegielajda
 - Ásadit sáme fáhka- ja addnijværmádagájt guovlo ja lánda dásen
 - Álgadit sáme varresvuoda juohkusijt iesjgejga varresvuoda guovlojn

Kapihtal 5 gåvvit oajvvadusájt gåktu buoredit sierratjiehppevarresvuoda dievnastusájt sáme álmmugij.

Strategidjadokumænnta la dagádum prosjæktajuohkusic mandáhta milta ja dåhkkiduvvam stivrrimjuohkusic. Guoradallam ja dåjma ma danna oajvvaduvvi li vuododum åvdep guoradallamij, dutkama, sáme árbbediedo, lágaj ja stáhta njuolgadusájt milta.

1. Álgo

1.1 Duogásj

Sáme álmmuk la Vuona álggoálmmuk. Sáme li læhkám álmmuk sierra gielajn, æladusáj ja dábij ájggá juo ávddål nasjonalstáhta ásaduvvin. Gå rájá mierreduvvín jagen 1751 sjaddin sáme álmmugin nielje stáhtan: Vuonarijkka, Svierik, Suobma ja Ruossja (Sámedigge, ij tjuottjo makkir biejes). Álggoálmmuk la dakkir álmmuk mij la muhtem guovlon árrum ávddål nasjonalstáhta ásaduvvin ja/jali guovllo koloniseriduváj (Suohkan- ja ádåstuhttemdepartemænnnta, 2013). Sáme guovlo árudagá li diedon rievddam ájgij tjadá, ja Sørlie ja Broderstad (2011) milta li viehka ålos jáhtám sáme guovlojs stádajda. E gávnu almulasj diedo guhtimusj la sábme, ja danen ep diede jur galla sáme Vuonan árru (Sønstebo, 2018). Lähko la aj dan duogen makkir kriteriha li vuodon, degu iesjdiededibme, vuostasjgiella, sijddagiella ja/jali familljahiståvrrå. Gå nasjonála regisstarijn ij diededuvá jus la sábme de ep heva diede sáme álmmuga varresvuoda ja iellemdile birra Vuonan.

Buorre ja jasska gulädallam pasienta ja giehtadalle gaskan la vuodulasj divna pasiænntagiehtadallamin. Buorre ja jasska gulädallam sisadná makta pasienta bessi ietjasa gielav adnet, valla aj jut sij gudi galggi viehkedit dåbiddi kultuvrav.

Sámegiela ja kultuvra máhtudahka sierratjiehppevarresvuoda dievnastusá fáhkabarggij ja mierreddidjij gaskan vájllu, sierraláhkáj daj ásijn lándas gánnå sáme li unneplågon álmmugin. Vuonan dættoduváj dárbbó buorep varresvuoda- ja sosialdievnastusájs hiebaduvvam sáme álmmugij 1980-lågo rájes. Danen nammaduváj ráddidusnammadus mij dagáj plánav varresvuoda- ja sosialdievnastusáj gáktuj sáme álmmugij. VAT(NOU) 1995:6. (Sosial- ja varresvuoda departemænnnta, 1995). Sáme fáhkaorganisasjåvnå degu Sáme dåktårsiebrre ja Sáme skihppijsujttårsiebrre lidjin guovdátjin. Semináraj ja tjåhkanimij baktu varresvuoda oajválattjaj dá organisasjåvnå vuojnnusij buktin man edna máhtto vádnunij sáme varresvuoda gáktuj ja man hæjos riektá sáme pasientajn lidjin. Barggo VAT (NOU) 1995:6 vuojnnusij buvtij guokta ássje: 1. Sáme álmmugin ij lim hiebaduvvam ja avtaárvvusasj varresvuoda fálaldahka gå buohtastahtij álmmugij ietján. 2. Ilá binná dutkam gávnuj, ja navti ij diehtám nuohkásav sáme álmmuga varresvuoda dile birra.

Rijkajgasskasattjat vuojnná lända gánnå stuoráp oasse álmmugis li álggoálmmuga degu Australia, USA, New Zealand ja Canada li guhkás jávsådam mij guoská fállat avtaárvvusasj varresvuoda dievnastusájt álggoálmmugijda. Akta buojkulvis la Southcentral Foundation Alaskan, mij varresvuoda ásadus gánnå álggoálmmuga ietja li æjgáda. Southcentral Foundation fállá dievnastusájt 65 000 álggoálmmugijda Alaskan, sihke guovdásj bájkijn ja daj ålggolin (<https://www.southcentralfoundation.com>). Fálaldahka ruhtaduvvá Amerika oajválattjajs. Sijá varresvuoda dievnastusá tjuovvu modellav *Nuka system of care* ja la sjaddam ávddågåvván rijkajgasskasattjat gå addne li viehka dudálattja fálaldagájn.

Avtaárvvusasj dievnastusfálaldahka la gá sij gudi varresvuoda dievnastusájt ánodi dajt oadtju vájku gánnå árru, ruhtadille, sosiála stáhtus, áldar, sjierve ja vájku makkir tjærddaj gulluji (NOU 2016:18 Vájmo giella). Dát rappárta vuolggá dassta jut nasjonála varresvuoda oajválattjaj duogen la jut sáme ássje bærrájgehtjaduvvi varresvuoda politihkalasj vuorodimijn, nasjonála plánajn ja strategijajn. Varresvuhta- ja huksodepartemænnta la vaddám Nuortta Varresvuhta RHF sierralágásj ávdåsvásstádusáv váj sáme álmmuk oadtju avtaárvvusasj sierratjiehppevarresvuoda dievnastusájt. Nasjonála varresvuoda- ja skihppijviessoplánan (2016–2019) oattjoj Nuortta Varresvuhta RHF dahkamussan bærrájgæhttjat strategalasj ávddånamev sierratjiehppevarresvuoda dievnastusájs sáme álmmugij aktan gáhttit jut ietjá varresvuoda guovloj siegen barggá ja koordineri. Sáme álmmuga dárbbo sierratjiehppevarresvuoda dievnastusájs galggá nasjonála dásen várjda váldeduvvat ja máhtudagá sáme varresvuoda, giela ja kultuvra birra galggá gávnnut lándav miehtáj.

1.2 Guoskavasj dokumenta

Guoskavasj dokumenta ma li ájnnasa varresvuoda dievnastusáj gáktuj sáme álmmugij:

- Nasjonála varresvuoda- ja skihppijviessopládna (2016–2019 ja 2020–2023)
- VAT (NOU) 2016:18 Vájmo giella
- Prinsihppadokumænnta tjáledum Sámedikkes ja Nuortta Varresvuhta RHF (2018)
- Aktisajbarggosjiehtadus Sámedikke ja Nuortta Varresvuhta RHF gaskan (2018)
- Mandáhtta mij guoská strategalasj ávddånahttemij sierratjiehppevarresvuoda dievnastusájs sáme álmmugij (2018)
- Guovlulasj ávddånahttempládna 2035 Varresvuhta Nuortta (2018)
- Sáme sierratjiehppevarresvuoda dievnastusáj ávddånahttem. (2019) Ássje 039/19 Sámedikke állestjåhkanibme.
- Sierratjiehppevarresvuoda dievnastusá badjásasj organiserim sáme álmmugij Vuonan. Guoradallam mav Sáme dáktaarsiebrre dijnnguj (2016)
- Rappárta barggojuohkusic Sáme varresvuoda párkka (2015)
- Prosjæktarappárta barggojuohkusic Sáme varresvuoda párkka (2013)
- Prosjæktarappárta badjásasj organiserim sáme varresvuoda dievnastusájs Finnmarko skihppijviesso HF (2019)

1.3 Sáme pasientaj riektá

Nasjonála varresvuoda oajválattja li vuonarijka lágaj ja álmmukriektá milta tjanádum fállat avtaárvvusasj varresvuoda dievnastusájt sáme álmmugij, ja bærrájgæhttjat jut sáme ássje ávdeduvvi varresvuoda politihkalasj vuorodimijn, nasjonála plánajn ja strategijajn.

Dát merkaj ávdåsvásstediddje oajválattja hæhttuij tjielgadit ja árvustallat sáme pasientaj dárbojt ja riektájt ja daj stáhtusav ja hásstalusájt gá varresvuoda dievnastusájt

åvddånahttá. Dá vælggogisuoda li Vuonarijkan sihke landa ietjas lágaj milta, valla arikkajgasskasasj konvensjåvnå baktu.

Lága ja badjásasj njuolgadusá:

- ILO-konvensjåvnnå nr. 169 art. 25
- AN:a tjielggidus álggoálmmugij riektáj hárráj
- Pasiänntariektálhka § 3-5.
- Sámeláhka § 3-5
- Varresvuoda vidnudakláchka § 35, 3.

ILO 169 vuollájtjállema baktu li vuona oajválattja dákkiadam sámijn la sierralágásj sadje álggoálmmugin. Navti li oajválattja ietjasa tjadnam dasi jut galggi dilev láhtjet váj sáme galggi bessat ietjasa kultuvrav ja sebrudagáv ietjasa vuogij milta åvddånahttet.

ILO-konvensjåvnnå nr. 169 artihkal 25 milta galggi varresvuoda dievnastusá álggoálmmugij vuoksuj hábbmiduvvat ja fáladuvvat álggoálmmuga ietjas ávdåsvásstádusá ja haldo duogen, váj álggoálmmuga bessi niektit nav alla fuslasj ja mentála varresvuoda dásev gå ber vejulasj. Dát aj tjuovvu AN:a tjielggidusáv álggoálmmugij vuoksuj, masi ráddidus la guorrasam. Uddni e gávnuu sierra autonåvmmå sierratjehppevarresvuoda dievnastusá sáme álmmugij. Sáme ássje galggi nav guhkás gå vejulattjat liehket oassen dábálasj sierratjehppevarresvuoda dievnastusás.

Sáme pasientaj riektá li aj tjielggasit mierreduvvam vuona láhkamærrádusájn. Sámelága §3-5 vaddá pasientajda riektáv dievnastuvvat sámegiellaj aj gå siján la aktijuohuta almulasj varresvuoda ásadusáj. Dát riekta gávnuu aj Varresvuoda vidnudaklága §35, 3. lahtasin mij javllá guovllovarresvuoda guovdásj galggá bærrájgæhttjat jut juohkka ájnta pasienta riektá sámegielav adnet sierratjehppevarresvuoda dievnastusán galggá várjda váldeduvvat, sámelága § 3-1 nr. 4 ja § 3-5 milta.

Vijddásappot la mierreduvvam pasienntariektálága § 3-5 jut diedo pasientajda ja addnijda galggi sijá kultur- ja gielladuogátjij hiebaduvvat. Ietjas iednegiellaj bessat guládallat la ájnas jus sáme pasienta galggi oadtjot alla dáse dievnastusfálaldagáv. Jus galggá jasska dievnastusájt fállat de hæhttú buoragit guládallat.
Nammadum lága ja konvensjåvnå li mijá oajvvaduvvat strategijaj ja dåjmaj vuodon.

1.4 Dahkamus

Jagen 2015 biejaj ráddidus åvddån plánav sierratjehppevarresvuoda dievnastusá álles ja konkrehta åvddånahttema gáktuj Meld. St.11. Nasjonála varresvuoda- ja

skihppijviessopládna (2016–2019) baktu. Dan plána milta oattjoj Varresvuhta Nuortta dájt dahkamusájt barggodokumentan jagen 2017:

- Varresvuhta Nuortta RHF galggá sierratjiehppevarresvuoda dievnastusájt sáme álmmugij strategallattjat ávddånahttet daj birástagáj ja ævtoj milta ma båhti ávddån Nasjonála varresvuoda- ja skihppijviessoplánan
- Oassen dássta galggá ásaduvvat prosjækta mij galggá tjielgadit vejulasjvuodajt åttjudit giellamáhtudagáv AMK-guovdátjija mij gávnnu birra jándurav, degu teknologijja baktu, ja gåktu lända AMK-guovdátja máhti aktan barggat váj dákkir giellamáhtudagáv åttjut.

Váj dáv dahkamusáv galgaj tjoavddet de Varresvuhta Nuortta RHF barggagådij Sámedikke siegen. Aktisaj prinsihppadokumænnna dagáduváj mij de sjattaj vuodon bargguj ávddåljuovlluj sierratjiehppevarresvuoda dievnastusáj sáme álmmugij. Prinsihppadokumenta milta álgaduváj prosjækta «*Strategisk videreutvikling av spesialisthelsetjenester til den samiske befolkningen*» (*Strategalsj ávddånahttem sierratjiehppevarresvuoda dievnastusájs sáme álmmugij*). Prosjevta mandáhtta tjáleduváj prosjæktaåmastiiddjes lahka aktisasjbarggon Sámedikkijn.

Nasjonála varresvuoda- ja skihppijviesso plána baktu gánnå lij aj dahkamus Varresvuhta Nuorttaj de guovdásj oajválattja dåhkidi sáme pasienta dárbahi sierratjiehppevarresvuoda dievnastusáv mij ienebut la hiebaduvvam sámegiellaj, kultuvrraj ja sebrudakiellemij.

1.5 Mandáhtta

Strategalsj ja badjásasj pládna galggá dagáduvvat dåjmaj ma ávdedi avtaárvvusasj sierratjiehppevarresvuoda dievnastusájt sáme álmmugij rikja dásen, Nasjonála varresvuoda- ja skihppijviesoj birástagáj ja prinsihpaj milta. Prosjækta galggá nannit avtaárvvusasj sierratjiehppevarresvuoda dievnastusájt sáme álmmugij, hiebaduvvam pasientaj gielalasj ja kultuvralasj duogátjij. Strategalsj ávddånahttem sierratjiehppevarresvuoda dievnastusájs sáme álmmugij galggá dagáduvvat ietjá guovlulasj varresvuoda vidnudagáj siegen.

Prosjevtan galggi 6 konsepta tjielgaduvvat mandáhta milta:

1. *Sáme fáhkaulmutjij ja addnij siegen tjielgadit makkir dievnastusfálaldagá galggi gielalattjat ja kultuvralattjat hiebaduvvat, váj sáme pasienta galggi dågålasj fálaldagáv oadjtjot.*
2. *Sierratjiehppevarresvuoda dievnastusá fáhkaulmutjij ja mierrediddij gaskan várdu máhtudagá sáme giela ja kultuvra birra, sierraláhkáj daj ásijn ländan gánnå sáme li*

smáv oasse álles álmmugis. Gåktu galggá sierratjiehppevarresvuoda dievnastus nannit máhtudagáv sámegielä ja kultuvra birra rijka dásen?

3. *Dålkkådievnastus, mij gullu Finnmárko skihppijviesso HF vuolláj, gåktu mähittá dát ávddånahteduvvat váj sjaddá nasjonála fálaldahkan? Oassen dássta hæhttua aj guoradallat le gus vejulasj sáme giellamáhtudagájn AMK-guovdátjijn birra jándurav, degu teknologija baktu, ja gåktu mähtti lánda AMK-guovdátja dájna aktan barggat.*
4. *Uddni vádnuni sáme varresvuoda bargge sierratjiehppevarresvuoda dievnastusán aji. Gåktu mähittá organisierit ja aktan barggat váj sáme fáhkatjiehppe buoremus láhkáj mähtti ávkken liehket?*
5. *SÁNAM (SANKS) modælla manna la nanos vuodo sámegielak birrasin, aktan dievnastusfálaldagájn ja barggij sámev miehtáj, la buoragit doajmmam. Gå dálla ájggui sierratjiehppevarresvuoda dievnastusájt strategalattjat ávddånahttet, de hæhttua aj tjielgadit ja árvustallat SÁNAM rállav nasjonála máhtudakguovdátjin gå ájggui dievnastusáv rijka dásen nannit. Dáv hæhttua gehtjadit Sámi Dearvvašvuodá siida/ Samisk helsepark ávddånahttema aktijuodan.*
6. *Gåktu galggi sierratjiehppevarresvuoda dievnastusá sáme álmmugij organiseriduvvat rijka dásen ávddåljuovlluj?*

Prosjæktajuohkusa ávdåsvásstádus la:

1. Tjielgadit nammadum konseptajt mandáhta milta.
2. Jåksåt prosjevta ulmijt mandáhta milta.
3. Prosjevtav plánit navti váj ávddån.
4. Bærrájgæhettjat prosjevta guládallamav.
5. Hábbmit tjoahkkidum loahpparappårtå oajvvadusáv.

1.6 Badjásasj ulmme

Dán bargo oajvveulmme la sihkarasstet Vuona rijka sáme álmmugij avtaárvvusasj sierratjiehppevarresvuoda dievnastusájt. Avtaárvvusasj sierratjiehppevarresvuoda dievnastusáj ækton la dievnastusfálaldahka la hiebaduvvam pasienta gielalasj ja kultuvralasj duogátjij.

1.7 Prosjevta organisierim

Varresvuohta Nuortta RHF ámas prosjevtav háldadusdirektera baktu. Vijdes stivrrimjuogos la nammadum prinsihppadokumenta ja mandáhta milta. Stivrrimjuogos nammadij prosjæktajuohkusav mij de la tjielgadimbargov dakhkam.

Stivrrimjuogos:

Geir Tollåli	Stivrrimjuohkusa jádediddje, Varresvuhta Nuortta RHF
Inger Marit Eira-Åhren	Stivrrimjuohkusa nubbejádediddje, Snåasa suohkan
Mikkel Eskil Mikkelsen	Sámedigge
Else Marie Isaksen	Varresvuhta Nuortta RHF Guovlulasj addnenammadus
Astrid Eriksen	Sáme varresvuoda dutkama guovdásj
Siv Kvernmo	Sáme dåktårsiebrre
Gunn Heatta	SÁNAM
Knut Even Lindsjørn	Varresvuhta Oarjje-Lulle RHF
Sigrid Aas	Varresvuhta Gassko RHF
Carina Mæland	Varresvuhta Alle RHF
Ann-Mari Jenssen	Konsernluohtidusulmusj
Sara Eira Gaup	Suohkansuorge organisasjåvnnå (KS)

Prosjektajádedibme ja dájmadahka:

Tone Amundsen	Varresvuhta Nuortta RHF (prosjektajádediddje)
Unn Hamran	Varresvuhta Nuortta RHF (prosjektadoarjja)
Kari Bøckmann	Varresvuhta Nuortta RHF (prosjektadoarjja)

Prosjektajuogos

Tone Amundsen	Prosjektajuohkusa jádediddje. Varresvuhta Nuortta RHF
Brita Næss	Varresvuhta Alle RHF
Camilla Holt Hasle	Varresvuhta Oarjje-Lulle RHF (Oslo universitettaskihppijviesso)
Sara Bransfjell	Varresvuhta Gassko RHF (Røros suohkan)
Ánne Lájla Westerfjell Kalstad	Varresvuhta Nuortta RHF (Røros suohkan)
Bodil Blix	Huksodutkam nuortta guovdásj, UiT Vuona arktalasj universitetta
Grethe Dunfjeld	Addnij ávdåstiddje
Arnhild Somby	Sámedigge (Sáme klinikhkka)
Kristine Grønmo	Sámedigge (Gárásjågå suohkan)
Knut Johnsen	Sámedigge (Sáme klinikhkka)

1.7.1 Gåktu lip prosjektajn barggam

Prosjæktajuogos la æjvvalam 14 tjåhkanimijda, 5 dájs li læhkám video baktu.

Prosjæktajuohkusa vuostasj tjåhkanibme tjadáduváj javllamáno 13. Biejve 2018 ja manjemus tjåhkanibme lij guovvamáno 3. Biejve 2020. Prosjæktajuogos la bargostis mandáhta milta dakhkam. Duodden tjielgadimbargguj li prosjæktajuohkusa ájrrasa viehkedam tevstaj, luovvím tjuolmajt, ja åhtsám guoskavasj diedojojt ja dutkamav.

1.7.2 Addnij oassálasstem

Addnij oassálasstem la læhkám ållu guovdátjin prosjektan. Akta addnij ávdåstiddje la læhkám prosjæktajuohkusin ja nubbe vas stivrimjuohkusin.

2. Sáme álmmuga varresvuoda- ja iellemidle – mav uddni diehtep?

2.1 Álggo

Gå galggá dahkat strategijav gåktu åvddånahttet sierratjehppevarresvuoda dievnastusájt sáme álmmuga vuoksjuj de hæhttú álgget dajna majt diehtá dán álmmuga birra.

Diehtep binnáv sáme álmmuga varresvuoda ja iellemidle birra. Moadda sivá li dasi. Vuostatjin de ij la heva dutkadum dáj ássjij birra. Ja de li nágina guoradallamijs sáme guovlojn tjadáuvvam ilá smáv geográffalasj guovlojn ja ráddjidum tiemáj. Soajttá aj gássjel sáme respondentajt gávnnat dutkamij ja hásstaliddje l dutkat álmmugav mij nav vijddát árru. Sáme álmmuk la heterogena álmmuk degu gákka ietjá almasjtjerda. Naelját sivva soajttá vádnuni dutke gejn la sáme kulturmáhtto. Vidát tjielggidus gå dutkam vájllu soajttá liehket ij la lähkám vuorodum dan láhkáj aj váj ruhtadibme l vájllum. Låhpalaš hásstalus mij la gávviduvvam la jut sáme tjerdašjuuohta ja ájnegin ulmutja e nasjonála regisstarida diededuvá. Navti ij besa regisstarit adnet sámij varresvuodav dutkat. Tjoahkkájgæsos soajttá liehket dárbahip ienep ja buorep dutkamav váj máhttep javllat juojddá vissásit sáme álmmuga varresvuodadile, hásstalusáj ja dievnastusano birra avtan álmmugin.

Valla muhtem dutkam ja registardáhtá gal gávnu. Manjemus jagijt li systemáhtalattjat vuorodam nannit ienep dutkamav dajna ulmijn jut galggá oadtjot luohtedahtte máhtudagáv sáme álmmuga birra, danen li aj boahtam ienep dutkambargo sáme varresvuoda ja varresvuodadievnastusáj birra.

Dán álon prosjæktajuogos vuostatjin gávvit lågojt Statistihkalasj guovdásjásadusás (SSB). Dan manjela biedjap ávddán gáktu sáme varresvuoda dutkam la åvddånam. Låhpan ávddán biedjap gáktu Kvernmo gávvit niellja oajvvehásstalusá majt hæhttú bærráj gæhttjat jus galggá alla kvaltiehta sierratjehppevarresvuoda dievnastus sáme álmmugij (2014).

SSB rappårtårn «Samiske tall forteller 12» (2019), boahtá ávddán sáme árrumvidjura li rievddamin. Dán rappårtårn li definierim sáme guovllon da guovlo ma gulluji Sámedikke ælädusdoarjjoårnigij vuolláj (STN-guovllo). Rappårttå vuoset STN-guovlon árrun suláj säemmi állo ulmutja 2011 rájes gitta 2017. Jagen 2017 de unnoj álmmuklåhko ednagit ja jagen 2018 de dát ájn tjielggasappo sjattaj. Dát dáhpáduváj gå binnep máná riegádi gå ulmutja jábmi ja ienep ulmutja jáhtáli ålgus farra gå sisi STN-guovlon.

Danen gå vájllup diedoxt sámij varresvuoda ja skihpudagáj oablloma birra, de álgaduváj Sáme varresvuoda dutkama guovdásj jagen 2001 UiT Vuona arktalasj universitiehta Institutt for samfunnsmedisin. Gå álgaduváj de lij guovdátja ulmme fágajgasskasattjat dutkat moattekultuvralasj álmmugav nuorttan, valla sierraláhkáj sáme álmmugav dættodit. Oajvveulmme lij gávnnat makta li sieradusá sámij ja dáttjaj varresvuoda

gaskan. Dájna álgojn tjadádin varresvuoda- ja iellemdilleguoradallamijt guovlojn gánnå sáme ja dáttja årru: SAMINOR (www.saminor.no) ja Nuorajvarresvuoda guoradallam Nuorttalij-Vuonan (UHNN)

(https://de.uit.no/forskning/forskningsgrupper/sub?p_document_id=340946&sub_id=491829). Dássta lip oadtkum edna diedojt, dutkamav ja gaskostimev jagij nalluj ma vas li dán strategija oajvvadusáj vuodon.

Guokta SAMINOR-guoradallama li tjadádum: SAMINOR 1 (2003–2004) ja SAMINOR 2 (2012–2014) epidemiolåvgålasj dutkamijn masi gulluj gatjálvissjiemá ja antropometralasj ja biolåvgålasj dáhtáj tjoahkkim. SAMINOR 1 ja 2 dagáduvvín nágín vissa suohkanij moatte-tjerdalasj álmmugij ja la midjij vaddám nágín diedojt skihpudagáj oablloma, iellemdile ja iellemvuoge ja “viessum iellema” hásstalusá. SAMINOR 1 ja 2 suohkana ælla ållu sämni (guoská aj SAMINOR 2 vuostasj ja nuppe oassáj), sierraláhkáj SAMINOR 2 klinikhka oasen lidjin dåssju nágín gallegasj suohkana (tjoahkkáj 10). Danen ij la vejulasj generalisierit ávdep SAMINOR-guoradallamij báhtusijt ållés álmmugij Nuortta- ja Gasska-Vuodnaj. Dáj guoradallamij ájnnasamos gávnusa dán kapihtalin ávddán biejaduvvi.

Nuorajvarresvuoda guoradallam Nuorttalij-Vuonan (UHNN) lij birrusij 4800 sáme ja dáttja 10.-klássagij gájka nuorajskávlåjs ållés Nuorttalij-Vuonas jagijn 2003-2005 (83% vásstadin). Guoradallama tiemáj gaskan lidjin psykalasj ja fuselasj varresvuhta, áhpadussávadusá, iellemdille, tjerdalasj ja kultuvra dule, ávddånahtttem jnv. 10. Klássagij dáhtá de mañjela tjanáduvvín registardáhtájda Norsk pasientregister, trygderegisteret (FD-trygd) ja Norsk utdanningsregister (NUDB). Nágín oajvvegávnnusa ávddán biejaduvvi kapihtalin 2.3.1.

Kvernmo (2014) milta li niellja oajvvehásstalusá gá galggá sihkarasstet alla kvalitiehtav sierratjiehppevarresvuoda dievnastusájn sáme álmmugij:

- Sáme vijddát årru ja gá stádajda jáhtáli de la guhkke bessat giehtadallamfálaldagájda sierratjiehppevarresvuoda dievnastusán sis-Finnmárkon
- Sáme giella- ja kulturmáhtudagá li moatten dásen sihken vuodavarresvuoda dievnastusán ja sierratjiehppevarresvuoda dievnastusán, sierraláhkáj ieme sáme guovloj álgolin.
- Sámegielak bargge vádnuni, sierraláhkáj ieme sáme guovlo álgolin
- Vájllu dutkam mij guoská dábálasj ávddånahtttemij, mánáj ja nuoraj skihpudagájda, varresvuoda dievnastusáj adnuj ja hiebadahtedum dievnastusáj dárboj hárráj sáme álmmugin

Váj valjesvuhta ávddân boahtá ja buorebut gâvvit de hæhttua boahtteájge dutkam guoskat vijddásap geogrâffalasj guovlojt. Sáme varresvuoda dutkama guovdásj dættot varresvuoda dievnastusáj dutkam vállu, sierraláhkáj mij guoská gâktu ja makta sáme pasienta varresvuoda dievnastusájt ávkâstalli, vuohkasín gávnni ja buorren adni. Sierralágásj hásstalus mav dutke dálátjij li vuosedam, la jut sámegielak viesáda li binnek dudálattjat varresvuoda dievnastusfálaldagájn gå álmmuk ietján (Nystad, Melhus ja Lund 2006). Dárbahip ienep dutkamav váj dájdadip dájt hásstalusájt ja navti bessap varresvuoda dievnastusájt buorebut hiebadahttet sáme álmmugij, sihke giela ja kultuvra hárráj.

2.2 Addnij dárbo



Addnij ávdåstiddje Inga Karlsen ja Nordlânda skihppijvieso háludadusdirekterra Paul Martin Strand. Karlsen la sáme pasientaj riektáj ávdås vissjalit rahtjam ja oattjoj Varresvuhta Nuortas addnijbálkkáv jagen 2019.

«Mij guoská varresvuoda fálaldahkaj sáme álmmugij, de ij la sâhka dássádusás, ájnat avtaárvvusasjvuodas.»

Inga Karlsen, 2019

Gájka pasienta gejn la aktijuhta varresvuoda dievnastusáj galgi bessat dájmalattjat sæbrrat ietjasa giehtadallamij (Nasjonála varresvuoda- ja skihppijviessopládna 2016–2019). Dat merkaj dille galggá látjeduvvat váj pasienta bessi ietjasa vásádusájt, ressursajt, kulturduogátjav ja máhtudagáv adnet gå galgi válljít ietjasa varresvuoda gâktuj.

Pasienta varresvuoda dievnastusá guovdásj ássje li bessat ietjas bágoj dilev tjielggit, bessat gájbbedit ja sávadit guoradallamav, giehtadallamav ja tjuovvolimev (Nasjonála varresvuoda- ja skihppijiviessopládna 2016–2019). Sáme álmmugin li hæhttum gierddat dárojduhttemav assimilerimijn, varresvuoda gássjelisvuodaj tjiehkam, ja vásedam dáttja stuorrasebrudahka ælla sijájt vieledam, farra badjelgæhttjam. Addnij perspektijvas soajtti moadda sáme pasienta ballat vuoleduvvamis, hilgoduvvamis jali jut e gullen dagá gå subtsasti mij sidij la ájnas ja mávsulasj. Sijá individuála ja aktisasj histåvrå diehti soajttá lássát la juojddá gájbbedit. Sáme pasienta aj soajtti ietjasa dåssjen dåbddåt gå ietja e ållu viehkediddjev dádjadi ja/jali viehkediddje ij sijájt dilev dádjada. Sáme pasientajda gudi duodden e gulá jali li gieladime jali kognitijva doajmma l hieredum sjaddá ájn gássjelabbo åttjudit buorre vásádusájt varresvuoda dievnastusájs. Gå dåbdudagájt láhppá de dat soajttá hieret sosiála iellelav ja dassta badján sjávot liehket, aktu årrot ja sosiála ærránibme, ma vat soajtti vájkudit iesjgåvvåj, identitiehttaj ja iesjvieledibmáj (Solheim, 2011).

Vuona varresvuoda dievnastus ij la heva nahkam dájjadit sámijn la dárbo ietjas kulturduogátja milta vuosstáj váldeduvvat. Nágínguoradallam (Dunfjeld, 2006) vuosedij dáttja varresvuoda- ja sosialbargge álu válliji dakkir strategijav váj juohkkahattjav säemmi láhkáj giehtadalli. Navti e dárbahta pasienta/addne kultuvrav vieledit. Gå ienemus sáme bukti ja buoragit dárusti ja vuona stuorrasebrudagán viessu, dávk aj nanni sámevuodav vuojnnemahtásin dahkat. Gåvvidum la aj jut nágíng sáme pasienta tjuovvu säemmilágásjvuoda strategijav ja e sidá subtsastit sáme li danen gå balli gáktu vuosstáj váldeduvvi (Dunfjeld & Møllersen, 2010).

Vuona varresvuoda dievnastus soajttá liehket dågålasj gå sáme pasientajn li varresvuoda vájve ma e gájbbeda hæhttugi vuosedit sáme ájádallamvuogev, árvojt jali iellemvuogev. Álkkes ja ráddjidum tjuolmaj bessi ietjasa identitiehtav ja iellemværáldav tjiehkat, rádiyt ja viehkev vuosstáj válldet ja iesj dajt ietjas iellewij hiebadit, varresvuoda dievnastusá dagá. Gå li guhlkep jali alvvusap dile ma guoski álles iellewij, de sjaddá álu hásstalussan viehkev vuosstáj válldet jus sáme giella ja kultuvrra e vieleduvá. Jus varresvuoda bargge vádnuni máhtudagájt sáme giela, kultuvra ja histåvrålasj traumaj birra de soajttá fálli rádiyt ja viehkev ma sjaddi gássjela tjadádit sáme iellemvuoge diehti. Jus ij la jasska, jus i gielav jali åbbálattjat dåv nuppev dájjada de soajttá varresvuoda bargge alvos dilijn e oattjo dárbulásj diedoijt pasienta varresvuoda dile birra.

Tjoahkkájgiesedum máhttep javllat vuona varresvuoda suorgen la edna diehtemahtesvuohtha sámij ja sijáj individuála ja aktisasj dárhoj gáktuj mij guoská varresvuoda dievnastusáj hiebadibmáj. Sivvan dási soajttá liehket vádnuni diedo sáme giela kultuvra birra, valla aj gáktu varresvuoda fálaldagáv hiebadit váj sáme pasiænnata dåbddå ietjas jasska ietjas dárbojt ja sávadusájt åvddån buktet. Jähkkám li säemmilágásj dievnastusá merkaj avtaárvvusasj dievnastusá, valla addnij vuojnos e dievnastusá máhte

liehket avtaárvvusattja jus bargge e diehtten dagá gáktu kultuvrra, histåvrrå ja giella vájkkut guládallamij ja aktan doajmmamij.

2.3 Psykalasj varresvuohta

2.3.1 Máná ja nuorra álessjattuga

Sáme mánáj varresvuoda birra ij gávnnu nav edna dutkam, valla guokta stuorra guoradallama sáme nuoraj varresvuoda birra li tjadáuvvam. Dá guoradallama vuosedi e gávnnu heva sieradusá, jus ávvánis, sáme ja dáttja mánáj ja nuoraj psykalasj ja fysalasj varresvuoda gaskan. Ajtu vuojnná ájnas sieradusájt sámij gaskan, degu sjierge ja geografalasj guovloj hárráj.

Sáme nuoraj psykalasj gássjelisuoda li tjanádum sihke ábbálasj ja kultuvralasj faktåvråjda. Sáme næjtso ja nuora gudi árru sáme guovdásj guovloj álggolin ienemusát vájvástuvvi. Vuojnná nanos tjerdalasj identitiehtta soajttá nievres láhkáj vájkkut psykalasj varresvuohta, dav máhttá tjielggit navti jut sáme nuora nanos tjerdalasj identitiehtajn aj ienebut tjerdalasj badjelgæhtjamav vásedi (Kvernmo, 2014). Sáme nuora aj diededi sij vásedi ienep givsedimev ja badjelgæhtjamav gå dáttja nuora (Bals, Turi, Skre, & Kvernmo, 2010). Nievres vájkkudusá vásedum badjelgæhtjamis li duola degu gå dábdu ahte ij vuojnnu, álggolin la, aktu, ietjálágásjvuodav, skámov ja iebdesvuodav (Eliassen, Braaten, Melhus, Hansen, & Broderstad, 2012). Assimilasjåvnnå ja kultuvralasj ieredibme aj nievres láhkáj psykalasj varresvuohtaí vájkkut. Sæmmi bále diehtep sáme giellatjehpuahka ja kultuvralasj dåjmaj oassálasstem suoddji balo ja depresjåvnå vuosstij (Bals et al., 2010; Bals, Turi, Skre, & Kvernmo, 2011; Siv Kvernmo & Heyerdahl, 2003).

Gå álggoálmmuga psykalattjat rahti ja ietjasa sármiji de la álu sáhka moatte sivájs. Muhtem aktisasj ássje ma ávddân biejaduvvi li gáktu la álggoálmmugin viessot, álggoálmmugij boahtteágge ja iehpesihkarvuohta jus bæssá viessot degu agev la dahkam dálusj álggoálmmukaeladusájn degu ællobarggo. Ællobargge diededi sidjij li æladusrijdo, riektárijdo iellemlájbbáj ja guohomednamijda låsså noaden mij guosská varresvuohta, ruhtadilláj ja sebrudahkaj. Dædda iellemvuoge gáktuj la moaddásijda viehka låsså, ja moadda nuora massi jáhkov boahtteájggáj. (Møllersen, Stordahl, Tørres, & Eira-Åhrèn, 2016, Stoor, 2016).

Suoddjimfaktåvrå – psykalasj varresvuohta	Riska faktåvrå – psykalasj varresvuohta
<ul style="list-style-type: none">- famillja doarjan bajássjattadijn- sáme ieneplågoguovlon bajássjaddam- læstadiána tjoaggulvis suoddji juhkama vuosstij- nanos sosiála værmástagá- tjerdalasj identitiehttaguoradallam	<ul style="list-style-type: none">- unneplågon bajássjaddam- marginaliserim- assimilierim ja kultuvralasj ærránibme- badjelgæhtjam- læstadiánrijda gullut gå la sáhka ráhtsatjimij birra

<ul style="list-style-type: none"> - buorremielak sebradahttemij ja buoragit rijbbá - buorre iesjgåvvå - sámegielav buktá ja kultuvralasj dâjmajda sæbrrá 	<ul style="list-style-type: none"> - vahágahttem - familljariido
--	--

Tabælla la tjoahkkájgæsos tjuovvovasj dutkamis:

Bals et al. 2010; Bals, Turi, Skre, et al., 2011; Bals, Turi, Vittersø, Skre, & Kvernmo, 2011; S Kvernmo & Heyerdahl, 1998; Siv Kvernmo & Heyerdahl, 2004; Spein, Sexton, & Kvernmo, 2007; Eriksen, 2015, 2017.

2.3.2 Vahágahttem ja ráhtsatjime

Værálda varresvuoda organisasjávnnå la ávdedam vahágahttemav ja ráhtsatjimijt globála álmmukvarresvuoda gássjelisvuohtan mij máhttá ednagit vájkkudit varresvuohta ja iellemkvalitiehttaj (Mikton, Butchart, Dahlberg, & Krug, 2016). Guoradallama Vuonarijkas vuosedi Vuonan li aj vahágahttem ja ráhtsatjime duodalaś sebrudak- ja álmmukvarresvuoda gássjelisvuhta mij guosská stuorra oassáj álmmugis (Thoresen & Hjeddal, 2014). Danen la vahágahttemav binnedit ájnas sebrudakássje.

Vuona guoradallama vahágahttema ja ráhtsatjimij birra e iereda álmmukjuohkusij gaskan. Danen ep diede ålov dái vidjurij birra sámij gaskan Vuonan. Sæmmi bále vuoset rijkajgasskasasj dutkam jut dát hásstalus vuojnnet la ienep dábálasj álmmoálmmugij gaskan. Álggoálmmuga Ruonáednamin, USA:n ja Canadian diededi sijáj gaskan li ienep rájtastime ja vahágahttem gå ieneplåhkoálmmugij buohtastahttá (Brzozowski Jodi-Anne, 2006; Curtis, Larsen, Helweg-Larsen, & Bjerregaard, 2002; Pedersen, 2013).

Gávnuu dåssju akta populasjávnnåguoradallam vahágahttema ja ráhtsatjimij birra sáme állessjattugij gáktuj Vuonan (Eriksen, Hansen, Javo, & Schei, 2015). Dutkam mij ávddân biejaduvvá tjuovvu Eriksen et al., 2015 artihkkalav ja dåktárgrádabargov «Breaking the silence» Interpersonal violence and health among Sami and non-Sami - a population-based study in Mid- and Northern Norway» (Eriksen, 2017). Dáhtávuodo la viettjadum varresvuoda- ja iellemdilleguoradallamis guovlojn sáme ja dáttja árruj, SAMINOR 2.

Gávnnin vahágahttema ja ráhtsatjime li alvos sebrudaktjoalmmen aj sámij gaskan Vuonan. Sáme respondentia diededin ienep vahágahttem lij sámij gaskan, ietján gå ráhtsatjime álmmåj gaskan, danna ællim tjerdalasj ieridisá (Eriksen, 2017).

Vijddásappot vuosedij guoradallam jut la nanos aktijuuohta jus la mánnán vahágahteduvvam ja psykalasj varresvuoda vávjij állessjattugin, sihke sámij ja dáttjaj gaskan Vuonan. Sij gudi diededit mánnán lidjin tsábmedium jali ráhtsatjuvvam mánnán lidjin gálmåj gierde ienep riska psykalasj varresvuoda vávjijda gå buohtastahttá sijáj gudi ælla tsábmeduvvam jalik ráhtsatjuvvam mánnán. Gávnuuj aj nanos aktijuuohta tsábbmema gaskan mánnán ja kronisk vávjij állessjattugin. Dát aktijuuohta ij lim sæmmi tjielgas sáme álmmåj gaskan (Eriksen, 2017).

Eriksen bargostis konkluderij sosioekonomalasj ja demografalasj faktåvrå dåssju muhtem mudduj tjielggiji tjerdalasj ieridisájt vahágahttema ja ráhtsatjimij gáktuj. Danen ep ållu diede manen li sieradusá tjerdaj gaskan mij guoská vahágahttemij ja ráhtsatjimijda sámij ja dáttja gaskan Vuonan (Eriksen, 2017).

2.3.3 Iesjsårmim

Åbbálattjat la ienep iesjsårmim arkatasj guovlojn gå buohtastahttá álmmugijn ietján. Sáme álmmuga gáktuj e gávnnu varás lågo iesjsårmimma gáktuj. Guoradallam mij regisstarijt gehtjadij vuosedij Nuorttalij-Vuona sámij gaskan ájggudagán 1970–1998 lidjin ienep iesjsårmimma gá álmmugin ietján. Sierraláhkáj nuorra sáme báhtja/ålmmå (15-24 jage) ietjasa sårmmijin (53/100 000), ja dav máhttá ihkap tjielggit guovdásj sáme guovlojn lij cluster edna iesjsårmimij 1980-lågon (Silviken et al, 2006). Jut nuorra ålmmå ietjasa sårmmiji la aktisasj dåbdomærkka álles arkatasj guovlluj.

Mij guoská gæhttjalit ietjas sårmmiit de la vehi ietjálágásj. Guoradallam 1990-lågo gassko rájes gávnaj sáme ettjin gæhttjala ietjasa sårmmiit ienebut gå nuorra nuorttalijuonan ietján, madi sáme 10.-klássaga diededi ienebu sijájs li gæhttjalam ietjasa sårmmiit gå dáttja nuora (Reigstad & Kvernmo, 2017; Silviken & Kvernmo, 2007). Lahka fuolke ietjas sårmmim vuojnnet la akta dajs riska faktåvråjs mij ierit sáme ja dáttja nuorajt ja mij la aj tjanádum dasi jut iesj la gæhttjalam ietjas sårmmiit. SÁNAM:a klinikhkalasj vuojnno dálla, aktan dutkam svieriga bieles, la jut iesjsårmimijádusá ja -gæhttjalime li dábálattja sáme álmmuga gaskan, ja de sierraláhkáj nuoraj ja nuorra állessjattugij gaskan. UNGT-guoradallam jagijs 2003-2005 vuosedij vájku iesjsårmimidoja ja ietjas vahágahttet álu nuorravuodan dáhpáduvvá, de dåssju unna oasásj psykalattjat rahtjá nuorra állessjattuk áldarin (Eckhoff, Sørvold & Kvernmo, 2019).

Iesjsårmimigássjelisvuhta la álmmukvarresvuoda gássjelisvuhta sáme sebrudagán, ja danen li moadda lagámusá báhtsám iesjsårmimima maŋjela. Dát juogos juorra de vuojnnu Sámen ja arkatasj guovlojn åbbálattjat. Uddni diehtep ilá binnáv gáktu dáj lagámusáj dille l maŋjel gå li báhtsám.

SÁNAM jádet dutkamprosjevtav «Stories about life and death – Exploring the bereaved person's narratives as a way to understand suicide among young Sámi men». Prosjevta ulmme la dádjadir manen nuorra sáme ålmmå iesjsårmimis jábmi.

Ietján gå dákkir ánjegis prosjevta majt SÁNAM jádet, de ij gávnnu makkirak badjásasj pládna gáktu iesjsårmimijt hieredit sámij gaskan Vuonan jali Sámen åbbálattjat. Nasjonála doajmmaplána iesjsårmimima ja iesjvahágahttema vuoksuj ælla heva berustam sáme álmmugis. Danen la dárbo rijkajgasskasasj pládnaj álles Sábmáj gáktu iesjsårmimijt hieredit (Silviken, 2011). Dát lij akta sivájs gå SÁNAM aktan Sámerádijン barggagådij «Pládna gáktu hieredit iesjsårmimijt sámij gaskan Vuonan, Svierigin ja Suoman» (Stoor, 2016). Pládna la gárves.

Ajtu dárbahip diehtet ienebut jus galggá buktet avtaárvvusasj giehtadallamfálaldagáv ásadir ja buorebut tjuovvolit sijájt gudi iesjsårmimájdusáj vájvástuvvi ja sijájt gudi báhtsi. Dárbahip aj ienebut diehtet jus galgap nahkat ávddánahttet hierediddje dâjmajt ma li kultuvrraj hiebadum navti váj binnedip iesjsårmimgássjelisvuodajt Sámen.

2.4 Somatihkka

Muhtem tjielgadime ártihkkal mij almoduváj The Lancet magasijnan jagen 2016 vuoset værálda álggoálmmugijn la nievrep somahtalasj varresvuohta gå ieneplåhkoálmmugijn ([https://www.thelancet.com/journals/lancet/article/PIIS0140-6736\(16\)00345-7/fulltext](https://www.thelancet.com/journals/lancet/article/PIIS0140-6736(16)00345-7/fulltext)).

Álgoálmmugij gaskan ienep njuoraj máná ja iedne jábmi, máná li låsep, állessjattuga li låsep, siján la binnek åhpodus ja ekonåvmålasj stáhtus. Guoradallam vuosedij STN-guovlojn Vuonan ienep njuorak máná jábmin ja ulmutja viessun oanebut gå ietjá guovlojn.

Ietjá guoradallama li vissa skihpudagájt gehtjadam. Muhtem guoradallam vuoset sámij gaskan ælla sæmmi álos gejda bárredávdda njámmu ja ælla sæmmi álos gudi dassta jábmi gå buohtastahttá álmmugijn ietján Vuonan, Svérigin, Suoman ja Ruossjan (Haldorsen & Tynes, 2007). Guoradallamin tjuodtju dábálasj sáme iellemvuohke la lassjes ja suoddji bárredávda vuosstij.

Ællrobarggij álmmáj gaskan li gal ienep diehkko- ja dávtálvisvájve gå ietjá rumájbarggij. Dát la ienebut tjielggam ájge milta. Riska duodallasj barggovahágahttemijs la aj alla (Daerga, 2017). Barggo stivrriduvvá arktalasj jábij milta, ja e gávnnu heva viehkkenävo gå jáhtål vijdes ja ávdas duobddagij tjadá. Riska fusulasj vávij ja vahágahttemijs la alemus sidijj gudi álles ájge elujn barggi. (Møllersen, Stordahl, Tørres & Eira-Åhren, 2016).

SAMINOR-guoradallamin li gehtjadam sáme álmmuga somahtalasj varresvuoda dilev. Tjoahkkájgæsos la dutkam vuoset moattekultuvralasj álmmugin li ienep buojdes ulmutja (Tove Nystad, Melhus, Brustad, & Lund, 2010) ja ienep sámijni li tsåhkegæsádagá symptåvmá gå álmmugin ietján (Eliassen, Graff-Iversen, Melhus, Løchen, & Broderstad, 2014). Ienep sáme álmmáj aj diededi siján li báktjasa mielgan ja tjoajven gå buohtastahttá dáttjaj, ja ienep sáme nissuna diededin tjoajvve- ja vuollevájmo báktjasijt gå rivggoj gaskan (Eriksen, et al. 2016). Moattekultuvralasj álmmugin ábbálattjat la stuoráp oasse álmmugis gænna l diabetes 2. Sáme álmmuk Tråmsåñ ja Nordlándan la alemus dásijn, ienep gå moatte-tjerdalasj álmmuk. Ábbálattjat gávnná tjielgga heterogena klinikhkalasj gávav mij guoská diabetes 2 vávjijda (Naseribafruei, Eliassen, Melhus, Svartberg, & Broderstad, 2018; Naseribafruei, Eliassen, Melhus, Svartberg, & Broderstad, 2019). Gå buohtastahttá SAMINOR 1 ja SAMINOR 2 båhtusijt de boahtá ávddán bæjválasj suovastibme sáme álmmugin la binnum lahkijn (Broderstad, Hansen,

Melhus, & Broderstad, 2019). Guoradallam vuoset aj sámij gaskan ælla sæmmi ålos gudi ruovdev vádnuni (Broderstad, Melhus, Brustad, & Lund, 2011).

2.5 Geriatriddja

Ienemusájda la navti jut vuorastuvvat merkaj moadda rievddama, fuselasj, psykalasj ja kognitijva. Dán oasen rappårtås la prosjæktajuogos válljim dættodit sáme pasientajt gudi demensav oadtju, gå sij li sierralágásj várnnahis juogos. Fálaldahka dán juohkusij gájbbet hiebadallamijt.

Varresvuoda dievnastusá vásedit guovtegielaga demensajn máhttsi ruopptot ietjasa mánnávuoda giellaj manenagi gå skihpudahka ávddån (Pládna varresvuoda dievnastusájda vuorrasijda, Varresvuhta Nuortta 2019–2025).

Diehtep buorre guládallam la ækton gå galggá demensav tjielgadit ja diagnostiserit. Danen hæhttui varresvuoda bargge diehtten liehket dálkkumdievnastusáj dárbojs. Vijddásappot bierri válljat kognitijva testajt ma li pasiänntajuohkusij hiebaduvvam. Tjielgadimvædtsaga ma ælla gielalattjat ja kultuvralattjat hiebaduvvam, soajtti ilá ållo ja/jali binná demensav diagnosteriji sáme pasientajn ja navti soajttá tjuovvolibme ávddålijuovlluj vádnuni.

Norsk revidert Mini Mental Status Evaluering (MMSE-NR3) la standardiseridum tæssta mav adná gå tjielgat ja tjuovvol demensav ja ietja vuojnjamskihpudagájt ma kognitijva dâjmaivájkudi. Oassen «Demænssapláanas 2020» la MMSE-NR3 nuorttasámegiellaj hiebaduvvam. Luluj vuotas jus lij oarjjel- ja julevsámegiellaj aj járggåluvvam. Varresvuoda bargge galggi diehtet tæssta gávnuu ja oadtjot dågålasj åhpadimev gáktu dav adnet.

Ij val dåssju testaj baktu tjielgada ja diagnosteri. Demenstjielgadime vuodon galggá snivva vájvvemujtalibme. Váj tjielgadibme galggá vaddet buorre vuodov riekta diagnåvssåj, de la viek ájnas jut ulmusj gev tjielgat ja suv lagámusá bessi adnet dav gielav mav ietja sihti, ja jut varresvuoda- ja huksobargge adni tjiehpes dálkåv jus ietja e gielav buvte. Makta varresvuoda bargge bájke kultuvrav dåbddd soajttá viek ájnas gå galggá dádjadit ja árvustallat gáktu ulmusj bæjválasj iellemin doajmmá. Danen oajvvat prosjæktajuogos lahka aktisasjbargov sierratjiehppevarresvuoda dievnastusá demenstjielgadime máhtudakbirrasij, bájkålasj suohkanvarresvuoda dievnastusá ja lagámusáj gaskan.

Vájku vuodovarresvuoda dievnastusá duogen la tjuovvolit ulmutjijt demensajn, de oajvvat Nasjonal faglig retningslinje om demens jut sáme gejt jáhkká gålgijdahtjám li tjielgaduvvi sierratjiehppevarresvuoda dievnastusán «gå giella, åhpadusdásse ja/jali

kultuvrra hieret tjielgadimev vuodovarresvuoda dievnastusán» (Hersedirektoratet, 2017).

Uddni ælla suohkanijen ja skihppijviesojn geriatriddja sierratjehpe dievnastusfálaldagá vuoras sámijda ma li sijá giellaj ja kultuvrraj hiebaduvvam. Pasientajda gejn la sámegiella iednegiellan, soajttá sámástit la ækton jut adná varresvuoda dievnastusfálaldagáv buorren jali ij. Gå varresvuoda bargge gudi e sámegielav bувte galggi viehkedit de soajttá sjaddi boasto diagnåvså ja giehtadallam.

2.6 Hæhkamedisijnna ja AMK

Dahkamusá ma udnásj AMK-guovdátjjin dagáduvvi li tjanádum dájda njuolgadusájda: «Forskrift om medisinsk nødmeldetjeneste (kommunikasjonsberedskap i helsetjenesten)».

Medisijna hiehtediedimedievnastusá njuolgadustjállaga milta álgaduvvin AMK-guovdátja dájna ulmijn:

«Varresvuoda dievnastusá guládallamgergasvuhta galggá sihkarasstet álmmugij njuolggaa aktijuodav medisijna tjehpij, aktan guládallamav skihppijviesoj ja varresvuoda dievnastusáj gaskan gå juojddá dáhpáduvvá skihppijviesoj ålgolin. Vijddásappot galggá varresvuoda dievnastusá guládallamgergasvuhta liehket vædtsagin gå nággin dille gájbbet koordinerimav iesjengeja varresvuoda guovloj gaskan.»

Uddni e gávnnu systiema lánna AMK-guovdátjjin ma bærrájgæhttji jut sáme giellamáhtudahka la sajenis. Dát soajttá liehket hásstalussan hæhkka diliŋn gá soajttá sjaddi boastodádjadusá ja guládallamvige danen gá ij bувte jalik dádjada sámegielav. Danen la ájnas gávnat buorre tjoavddusijt ma sihkarassti sámegiela máhtudagájt birra jándurav lánna AMK-guovdátjjin.

Vájku ij la formála systiebma lánna AMK-guovdátjjin mij sihkarasstá jut sáme giellamáhtudahka la sajenis, de la Finnmark AMK-guovdátjin nággin sámegielak bargge gejna válldi aktijuodav dárbo milta. Dát álu doajmmá navti jut AMK-guovdásj biedjá ságastallamav sámegielak barggijda Gasska-Finnmark ambulánssdievnastussaj. Gárásjågå ja Guovddagæjno ambulánssdievnastusán la mihtto jut agev galggá sámegielak bargon. Finnmark skihppijvieso virggeannonsajn tjuodtju sámegielav buktet luluj vuogas. Finnmark skihppijviesso vaddá aj sámegielak barggijda funksjåvnnåduottev bálkkán ietjasa sámegiela tjehpudagá diehti.¹ Dá li dåjma ma mähtti vijddásappot åvddånahteduvvat ja biejaduvvat formála systiebmaj man ulmme la buoredit sámegiela máhtudagájt varresvuoda dievnastusájn.

¹ Gálldo: Gasska – Finnmark ambulánsa dievnastusá ássudakjådediddje Are Nedrejord

Buojkulvis teknologiddjaj mij máhttá viehkken sihkarasstet jut sámeigela máhtudahka la sajenis gájka AMK-guovdátjijn lándan la «Rørosprosjektet». «Rørosprosjektet» la aktisasjbarggoprosjækta Varresvuodadirektoráhta, St. Olavs Hospital ja Plassje (Røros) suohkana gaskan ja la nasjonála pilotprosjækta.

Prosjevta ulmme la ávddånahttet aktisasjbargov sierratjiehppevarresvuoda dievnastusá ja suohkanvarresvuoda dievnastusá gaskan ja navti effektivisierit ressursaj anov. Ådå hæhkkabijlan mij la Plassjen (Rørosin) lähkám 2017 rájes li edna værtsaga, sihke medisijnalasj værtsaga ja ådå álkkádusteknologiddjaj. Hæhkkabijlan la robot-dåktår² fáron gut máhttá mannat siegen pasienta lusi guossáj. Robåvtå tjadá bæssá pasiännta ja ambulánssabargge guládallat dåktárijn gut medisijnnafágalattjat árvustallá.³ Dán aktijuodan máhttep ájádallat dåktár máhttá liehket sámeielak dåktár gut aj máhttá viehkken sihkarasstet giellamáhtudagáv aj lánda AMK-guovdátjijn.

² Robot-dåktár: Råbåvta baktu mij la hæhkkabijlan, bæssá pasiännta ja ambulánssabargge guládallat dåktárijn gut medisijnnafágalattjat árvustallá.

³ Gálldo: <https://røros.kommune.no/aktuelt/rørosprosjektet-akuttbil-lofter-helsetilbudet-pa-røros/>

3. Udnásj sierratjiehppevarresvuoda dievnastusá sámijda

Varresvuhta Nuortta RHF, Varresvuhta Gassko-Vuodna RHF, Varresvuhta Oarje-Lulle RHF ja Varresvuhta Alle RHF gájka galggi bærrájgæhttjat tjuovvolit ráddidusá dahkamusáv sierratjiehppevarresvuoda dievnastusán, aktan sáme pasientaj gáktuj. Varresvuhta- ja huksodepartemænnta la vaddám Varresvuhta Nuorttaj RHF sierra badjásasj ávdåsvásstádusáv ávdedit sierratjiehppevarresvuoda dievnastusfálaldagáv sáme pasientajda. Danen gå ienemus sáme pasienta li Varresvuhta Nuortta RHF guovlon.

Dán kapihtalin galggap gávvidit udnásj sierratjiehppevarresvuoda dievnastusfálaldagáv sámijda Vuonan, dasi gullu aj aktisasjbarggosjiehtadusá ja aktisasjbarggo sierratjiehppevarresvuoda dievnastusá ja suohkana gaskan.


3.1 Varresvuhta Nuortta

Váj duodaj válldá ávdåsvásstádusáv ávdedit sierratjiehppevarresvuoda dievnastusájt sámijda buoremus láhkáj, de la Varresvuhta Nuortta RHF:

- Aktisasjbarggosjiehtadusáv tjállám Sámedikkijn
- Ietjá varresvuoda vidnudagáj aktisasjbargov lihtudam
- Åttjudam ienep sámijt stivrajda Finnmárko skihppijvieson, Nuorttalij-Vuona universitehta skihppijvieson, Nordlanda skihppijvieson ja Helgelátte skihppijvieson
- Sihkarasstet sáme ájrrasijt guovlo addnijnammadusán
- Ásadam sáme varresvuoda dievnastusáj rádevaddevirgev
- Ávdedam ja nannim sierratjiehppevarresvuoda dievnastusájt sáme giela ja kultuvra gáktuj Sáme klinikhka ja Finnmárko skihppijvieso baktu

3.1.1 Finnmárko skihppijviesso


Finnmárko skihppijvieso stivrra mierredij vuoratjismánon 2019 ásadit sierra sáme klinikhav. Dav dakin váj tjielggasin dakhá ietjasa ávdåsvásstádusáv sáme varresvuoda dievnastusáj ávdås. Klinikhka namma l Sáme klinikhka.



3.1.1.1 Sáme Klinikhkka

«Vuojnnep ij la nuoges gávnнат mij la ájnas pasiэнntaj, valla aj ddjadit. Giehtadalle hehttuiji dabddat pasienta gielav ja kultuvralasj duogtjav jus varresvuoda dievnastus galgg liehket avtarvvusasj. Duodaj jhkv Sme klinikhkka sjadd viehkken dasi..»
Varresvuhta- ja hukso minisstar Bent Hie Sme klinikhka rabdijen, 2020

Sme klinikhkka la boados gå sme fhkatjiehpe badjel 30 jage li barggam sadit ja nannit sme sierratjiehppevarresvuoda dievnastusjt. Sme klinikhkka formalalattjat saduvj avtajienalasj stivrramerradus baktu Finnrko skihppijvieso stivran vuoratjismano 29. bieje 2019. Dt la ajnna sierratjiehppevarresvuoda dievnastus mij la sierralhkj sme pasientajda hiebadum uddni. Klinikhkan li integreridum dievnastus somatikhkka, grevselgaj ja psykalasj varresvuoda gaktuj, ja dasi gulluji SNAM, sierradktrguovdsj, Dj ja sme dlkkdievnastus. Dj ja psykalasj varresvuoda- ja grevselga li 2014 rjes lehkm nasjonla mhtudakdievnastus.



24. februar 2020 13:28

Guhkijt juo la lehkm drbbo tjoahkkit sme fhkatjiehpijt sierratjiehppevarresvuoda dievnastusn stuorp guovdtjij sme birrasin. Varresvuhta Nuortta RHF ja Finnrko skihppijviesso li uddni stuoredam tsiekkadusjt dn gaktuj, Grsjgan. Dt viesso la vddla gahkjoduvvam Samisk helsepark ja rabduvj almulattjat djakmano 28. bieje 2020 namjn Sme klinikhkka.



Oasse Sáme klinikhka tsiekkadusás, Gárásjågånn.



SÁNAM, mij la oassen Sáme klinikhkas, Gárásjågånn.



Sáme klinihka rahpamis, varresvuoda ministar Bent Høie, háldadusdirekterra Eva Håheim Pedersen, klinikkoajvve Amund Peder Teigmo ja åssudakjádediddje Ellen Inga Hætta.



Oalges bieles: Varresvuoda- ja huvso ministar Bent Høie, sámediggeráde Mikkel Eskil Mikkelsen, Finnmárko skihppijvieso háldadusdirekterra Eva Håheim Pedersen ja klinikkoajvve Amund Peder Teigmo Sáme klinihka rahpamin.

«Ávvusav gá miján dálla la klinihkka gánnå la luondulasj vuosstáj válldet sámegielajn ja dáddadusájn gásstá boahtep. Moaddása lip guhkijt juo dáv vuor ddám, ja oajválattajda sidáv javllat gájbbet duosstelisuodav ájádallat ådå láhkáj varresvuoda dievnastusáj organisierima birra.»

Sámediggeráde Mikkel Eskil Mikkelsen Sáme klinihka rahpamin, 2020

3.1.1.1.1 SÁNAM



SÁNAM ålggoguovllo, Gárásjágårn.

Sáme nasjonála máhtudakdievnastus – psykalasj varresvuoda suoddjim ja gárevselga (SÁNAM - SANKS) galggá fállat avtaárvvusasj sierratjiehppevarresvuoda dievnastusájt psykalasj varresvuoda suodjalime ja gárevselgaj gáktuj. SÁNAM fállá guoradallamav ja giehtadallamav mánájda, nuorajda ja állessjattugijda psykalasj varresvuoda suoddjimin, gárevselgaj ja báddnuma gáktuj ja siján la DPS-doajmma guovlojda Guovddagæjnno, Gárásjåhkå, Porsáŋŋo, Gánŋgaviika (Gamvik) ja Davvesiidda (Lebesby), aktan Dætno ja Unjárgga (Nesseby) mánájda ja nuorajda. Duodden la SÁNAM:in nasjonála doajmma gájka sámijda lándav miehtáj.

SÁNAM la organisieridum gudá klinihkalasj ássudagájda ma Gárásjágårn gávnnuji. SÁNAM:in la aj dutkam ja ávddånahttem (DjÅ-FoU) ássudahka mij koordineri ja várajda vállda nasjonála máhtudakdievnastusdåjma. SÁNAM máhtudakdievnastussan galggá tsieggit ja gaskostit máhtudagáv psykalasj varresvuoda suodjalime ja gárevselgaj gáktuj, mij guoská sáme pasientaj sierralágásj dárbjørda kultursensitija diagnostihkkaj ja kultuvralasj hiebaduvvam giehtadallamfálaldahkaj.

Duodden la SÁNAM:in nasjonála juogos kontåvråj Oslo, Snåasan, Plassjen, Hábmerin ja Narvijkan ma galggi viehkken ávdedit avtaárvvusasj ja kultuvralattjat hiebaduvvam giehtadallamfálaldagáv sámijda lándav miehtáj. Dát juogos la aj oassen SÁNAM:a poliklinihkalasj fálaldagás, mij guoradallá ja giehtadallá sierratjiehppevarresvuoda dievnastusdásen. Duodden barggá nasjonála juogos dåjmalattjat diehtojuohkemijn. Dasi gullu gaskostibme, áhpadibme ja bagdallam fáhkabarggijda ja iehtjádijda, sierraláhkáj kulturdájdjusá tiemán. SÁNAM:in la sierra addnijráde mij barggá dan vuoksjuj jut

addne galggi bessat vájkkudit mærrádusájda ma li ájnnasa SÁNAM:a fálaldahkaj ja dievnastusájda. Duodden la Oahpestiddje (vásáduskonsulænnta) virggáj biejaduvvam, sán la aj oassen SÁNAM:a jádediddjejuohkusic.

SÁNAM gávnu aj álmmugij Varresvuhta Nuortta doajmmaguovlo ålggolin. Vásádus la ajtu jut sierratjehppavarresvuoda fálaldahka gárevselga ja psykalasj varresvuoda gáktuj sámijda Finnmárko ålggolin ij la dågållattjat várajda váldedum. Sáme árru lándav miehtáj, ja sámij gaskan li stuorra sieradusá kultuvra ja giela hárráj guovlos guovlluj.

3.1.1.2 *Sierratjehpedåktår guovdásj*

Sierratjehpedåktår guovdásj/Spesialistlegesenteret (SDG/SLS) ásaduvváj guovvamánon 1987 dajna mihtujn jut galggin fállat ja åvddånahttet sierratjehppavarresvuoda dievnastusáv somatiikan Finnmárko álmmugij, sierraláhkáj sámijda. Divna giehtadallamij vuodon la poliklinikhkalasj dájma jali bievviegiehtadallam. SDG/SLS oajvvedoajmmaguovlo li guovdásj sáme suohkana Finnmárkon: Unjárgga, Dædno, Gárásjåhkå, Guovddagæjnno, Porsáŋŋo ja Davvesiida. Uddni li guovdátjin dá stuoves fálldagá: lijkketjehppe, sisjeldis medisijnár (tsåhke/tjoale/tjoajvve) ja gulloguovdásj audiográfajn. Guossesierratjehpe li biellje-njunnje-tjáttå, revmatolåvvgå, gynekolåvvgå, mánájdåktår, gæhppáj dåktår ja radiográffa. Sámegiella ja kulturtjehpudagá la ájnas vuodo fálldagán.

Tsieggin li fálldagáv sáme geriatriddja pasientajda. Ulmme la sáme geriatriddja juogos galggá buktet fállat fágajgasskasaj tjielgadimev vuorrasap sáme pasientajda. Juogos galggá barggat fássta dåktárij siegen ja galggá duon dán suohkanin manádit.

3.1.1.3 *LMS-fálaldahka*

Oahppam- ja buktemguovdásj (LMS) la ásaduvvam man duogen la bærrájgæhttjat jut sáme perspektiva li vuodon gå pasientajt ja lagámusájt åhpat.

Sierratjehppavarresvuoda dievnastusá åvdåsvásstádus pasientajt ja lagámusájt åhpadir la biejadum klinikhkalasj åssudagájda. Sáme klinihka LMS-fálaldahka sjaddá ressurssan klinikhkalasj åssudagájda dán bargon, varresvuoda pedagogikhkajn oajvvesuorggen. Sáme klinihka LMS-fálldagá oajvvedoajmma la åvddånahttet, koordinerit, ásadir ja evaluerit åhpadirfálldagájt juohkusijda pasientaj ja lagámusáj avtaárvvusasj aktisasjbarggon fáhkabarggij ja addnij gaskan.

3.1.1.4 *Sáme dálkkumdievnastus*

Sáme dálkkumdievnastus la åvddála lähkám dálkkåfálaldahka nuorttasámegiellaj Finnmárko skihppijviessuj. Jage 2019 rájes dát fálaldahka vatteduváj álles Varresvuhta Nuorttaj. Sáme dálkkumdievnastus dálkkumav fállá 08.00-22.00 juohkka biejve. Avta barggen la 100% virgge kontåvrájn Finnmárko skihppijvieson Hammerfest, ja guhtta guhkásdálkå turnusav barggi váj gábttji iehketbiejvijt, iehkedijt ja ájllegijt. Gájka dálkå bessi videov adnet. Dálkkådievnastus la oadtjum loabev Persåvnnåsuodjalimoahcts

gæhttjalit videodålkumav. Udnásj fálaldahka la ienemusát nuorttasámegiellaj, ja fálaldahka oarjjel- ja julevsámegiellaj la viehka ráddjidum. Dát ij la dågålasj.

3.2 Varresvuhta Gassko-Vuodna

Varresvuhta Gassko-Vuodna RHF la aktisasjbarggosjiehtadusáv dakhkam Varresvuhta Nuortta RHF:ajn. Sjiehtadus guoská SÁNAM:a dievnastusájda. Ulmmejuogos la sáme pasienta psykalasj ja/jali gárevselga gássjelisvuodaj, ja sijá lagámusá. Sjiehtadussaj gullu aj sierratjiehppevarresvuoda dievnastusfálaldahka mánájda, nuorajda ja ållessjattugija.

Varresvuhta Gassko-Vuodna RHF la aj sjiehtadam Oarjjelsáme varresvuoda værmástagájn dajna mihtujn jut ásat sáme varresvuoda juohkusav oarjjelsáme guovlon mav Plassje (Røros) suohkan ja St. Olavs Hospital HF æjggu.⁴

SÁNAM:in li ålggokontåvrå Plassjen ja Snåasan Varresvuhta Gassko-Vuodna viesádija.

Ælla gájbbádusá sáme addne galggi nammaduvvat addnij nammadusájda ja guovlo addnij nammadussaj Varresvuhta Gaskon.



Oarjjelsáme gáppte.

3.3 Varresvuhta Oarjje-Lulle

Varresvuhta Oarjje-Lulle RHF la aktisasjbarggosjiehtadusáv dakhkam Varresvuhta Nuortta RHF:ajn. Sjiehtadus guoská SÁNAM:a dievnastusájda. Ulmmejuogos la sáme pasienta psykalasj ja/jali gárevselga gássjelisvuodaj, ja sijá lagámusá. Sjiehtadus guoská mánájda, nuorajda ja ållessjattugija.

SÁNAM:in la ålggokontåvrrå Oslo mij viehket åsijt Varresvuhta Oarjje-Lulle viesádijs.

⁴ Oarjjelsáme varresvuoda værmádahka: Værmádahka sáme sierratjiehpíj oarjjelsáme guovlon gudi barggi avtaárvvusasj varresvuoda dievnastusáj vuoksjuj oarjjelsáme álmmugij. Duola degu gaskosti diedoijt sáme varresvuoda birra suohkanjda ja varresvuoda vidnudagájda.

Ælla gájbbádusá sáme addne galggi nammaduvvat addnij nammadusájda ja guovlo addnij nammadussaj Varresvuhta Oarjje-Lullen.

3.4 Varresvuhta Alle

Varresvuhta Alle RHF la aktisasjbarggosjiehtadusáv dakhkam Varresvuhta Nuortta RHF:ajn. Sjiehtadus guoská SÁNAM:a dievnastusájda. Ulmmejuogos la sáme pasienta psykalasj ja/jali gárevselga gássjelisvuodaj, ja sijá lagámusá. Sjiehtadus guoská mánájda, nuorajda ja ållessjattugijda.

Gå lip gehtjadam dajt niellja varresvuoda vidnudagájt ma gulluji Varresvuhta Alle vuolláj de lip gávnnam ælla dâjma ma li sierraláhkáj sámijda hiebaduvvam Varresvuhta Allen.

Ælla gájbbádusá sáme addne galggi nammaduvvat addnij nammadusájda ja guovlo addnij nammadussaj Varresvuhta Allen.



Tjåehkere sijte gárden – oarjjelsáme guovlon ådåjakmánon 2020

3.5 Aktisasjbarggosjiehtadusá

3.5.1 Aktisasjbarggo sierratjiehppevarresvuoda dievnastusá ja Sámedikke gaskan

Varresvuhta Nuortta RHF ja Sámedigge li måttijt jagijt juo barggam aktan sierratjiehppevarresvuoda dievnastusáj sámijda. Dát aktisasjbarggo formaliseriduváj aktisasjbarggosjiehtadusá baktu snjuktjamáno 8. biejve 2018. Sjiehtadusá ulmme la ávdedit sierratjiehppevarresvuoda dievnastusáv mij várajda válldá sáme álmmuga riektáv avtaárvvusasj varresvuoda dievnastusájda, ja mij sihkarasstá jut dievnastus la hiebaduvvam sáme pasientaj gielasj ja kultuvralasj duogátjii. Sjiehtadusá milta galggá aktan ja buorre guládallamijn gæhttjalit hásstalusájt ja gássjelisvuodajt binnedit dan láhkáj váj dajt ájtsá ja daj dahká juojddá ávddål værráni. Sjiehtadus guoská sierratjiehppevarresvuoda dievnastusá sáme álmmugijda, sámijda, Varresvuhta Nuortta RHF ja Sámediggáj buorren (aktisasjbarggosjiehtadus Varresvuhta Nuortta RHF ja Sámedikke gaskan, 2018). Bierri árvustallat dákkir sjiehtadusáv dahkat aj Sámedikke ja dåj ietjá guovlo varresvuoda vidnudagáj gaskan.



Sámediggeviesso Gárásjágân. Sáme slávggá lippsju nágin tjáppa dálvvebiejve nuorttan.

3.5.2 Aktisasjbarggo guovloj varresvuoda vidnudagáj gaskan

Varresvuhta- ja huksodepartementa 2014 dahkamusgirjen dájda: Varresvuhta Gassko RHF, Varresvuhta Oarjje-Lulle RHF, ja Varresvuhta Alle RHF lij akta ulmijs:

- *Helse X RHF la sjiehtadam Varresvuhta Nuortajn RHF giehtadallamfálaldagá birra sáme pasientajda Sáme nasjonála máhtudakdievnastusájn- psykalasj varresvuoda suodjalibme ja górevselga (SÁNAM)*

Dákkir aktisasjbarggosjiehtadusá li tjáledum Varresvuhta Nuortta RHF ja dåj ietjá guovloj varresvuoda vidnudagáj gaskan lándan.

3.5.3 Aktisasjbarggo suohkanvarresvuoda dievnastusá ja sierratjiehppevarresvuoda dievnastusá gaskan

SÁNAM la dahkam aktisasjbarggosjiehtadusájt suohkanij ma li Finnmarko skihppijvieso HF guovlon. Duoden la SÁNAM sjiehtadam Hábmera, Stájgo, Plassje, Raarvihke (Røyrvik) ja Snåasa suohkanij. Uddni e gávnnu ietjá aktisasjbarggosjiehtadusá suohkanij ja sierratjiehppevarresvuoda dievnastusá gaskan ma guoski varresvuoda- ja huksodievnastusá sáme pasientajda.

3.5.4 Aktisasjbarggo ríkkarájáj gaskan

Varresvuhta Nuortta RHF la Finnmarko skihppijvieso HF tjadá formála aktisasjbarggosjiehtadusáv dahkam Lapin sairaanhoitopiiri jagen 2007. Sjiehtadusá sisadno la ienemusát sierratjiehppevarresvuoda dievnastusá sámijda Suoman gejn li sierralágásj dárbo ja sávadusá giela ja kultuvra gáktuj.

Varresvuhta Nuortta RHF la Finnmarko skihppijvieso tjadá aj formálalattjat lihtudam Region Jämtland Härjedalenijen jagen 2015.

Health Across Borders tjadá la formalisieriduvvam aktisasjbarggo Varresvuhta Nuortta RHF, Lapland hospital district, Lansi-Pohjan hospital district ja Oulo hospital district Finland ja Region Norrbotten ja Region Västerbotten Svierigin. Varresvuhta Nuortta RHF la dán aktisasjbargo baktu aj gæhttjalime lihtudit Region Norrbotten ja Region Västerbottenijen Svierigin. Dát sjiehtadus galggá guoskat sáme pasientajda gudi oadtju giehtadallamfálaldagáv SÁNAM:is. Aktisasjbarggosjiehtadus gaskan Varresvuhta Nuortta RHF Finnmarko skihppijvieso tjadá ja Region Norrbotten, Region Västerbotten ja Region Dalarna Svierigin ålliduvvá ruvva.

Mij guoská udnásj fálaldagájda sierratjiehppevarresvuoda dievnastusájda sáme álmmugij, vuoset dát tjoahkkájgæsos jut fálaldahka la ráddjidum sihke bájke, guovlo ja lánda dásen.

4. Strategiddja boahtteájge sierratjiehppevarresvuoda dievnastusájda sáme álmmugij

Varresvuoda dievnastusá sámijda hæhttua bærrájgæhttjat sáme kultuvrav, histåvråv, iellemvuogev ja gielav. Varresvuoda dievnastusá galggi sæmmi bále diehtten liehket sáme li heterogena juogos iesjenga sáme gielaj, kultuvraj, árromsajj ja navti iesjenga dárbo. Danen la gássjel vuojnnet akta hiebadibme varresvuoda dievnastusájs luluj vásstádus gákka hásstalusájda gákka sámijda. Lága milta la mierreduvvam pasiænnnta- ja addnijriektlágan jut juohkka pasientan la riektá avtaárvvusasj fálaldahkaj, valla sjaddá hásstalussan, ja dávk ij ávvánis riekta, tsieggit sæmmi fálaldagáv gákka sámijda lándav miehtáj. Dakkir guovlojn gánnå edna sáme árru luluj luondulasj tsieggit ietjá lágásj fálaldagáv gá dáppe gánnå dåssju nágín gallegattja árru. Dát merkaj gálggá guovlos guovlluj árvustallat bájkálasj dárbojt ja vejulasjvuodajt.

Dát barggo strategiddjadokumentajn «Sierratjiehppevarresvuoda dievnastusá sáme álmmugij» la

lávkke riektá guovlluj váj åttjut avtaárvvusasj varresvuoda dievnastusájt, valla dát aktu ij la nuoges. Stivrrimjuogos ja prosjæktajuogos li válljim gálmå oajvvestategiddja gáktu ávddånahttet sierratjiehppevarresvuoda dievnastusájt sámijda. Vuostasj strategiddja la árvustallat mij luluj buoremus vuohke organisierit sáme sierratjiehppevarresvuoda dievnastusájt Vuonan badjásasj dásen. Prosjæktajuogos oajvvat tjielgat organisasjåvnnåmodellajt gánnå ávdåsvásstádus sáme varresvuoda dievnastusáj ávdås la ienep friddja gá uddni. Prosjæktajuogos vuoset degu gáktu ietjá álggoálmmugij varresvuoda dievnastusá li organisieridum álggoálmmukárvoj ja iesjmierredime milta (degu Ådå Zealándan ja Álaskan) ja árvustallá jut dákkir organisierim buoremus láhkáj várajda válldá Vuona vælggogisvuodajt ILO-konvensjåvnå 169 artihkal 25 milta: «varresvuoda dievnastusá álggoálmmugij vuoksuj galggi hábbmiduvvat ja fáladuvvat álggoálmmuga ietjas ávdåsvásstádusá ja haldo duogen».

Prosjæktajuogos vuoset nielje modellajda kapihtalin 5.1 ja oajvvat modella tjielgaduvvi ja árvustaláduvvi fágalattjat, ekonomidja hárráj ja juridihkalattjat.

Nubbe strategiddja mij oajvvaduvvá la jut dagáduvvá nasjonála doajmmapládna sáme varresvuoda- ja huksodievnastusájda. Dán plánan bierri gávvidit állas varresvuoda fálaldagáv sámijda sihke suohkan- ja sierratjiehppevarresvuoda dievnastusán. Doajmmaplánan bierri dættodit duola degu dâjma ma sihkarassti buorre pasiænnatjadádimev, buorre aktisasjbarggo ja máhttojuohkem iesjenga dievnastusdásij gaskan. Gá doajmmaplánav dakhá de bierri aj tjielgadit badjásasj organisierimav sierratjiehppevarresvuoda dievnastusájs sáme álmmugij.

Goalmát strategiddja mij oajvvaduvvá la strategiddja ienep máhtudahkaj ja kvalitiehttaj sierratjiehppevarresvuoda dievnastussaj. Dán strategidjan oajvvaduvvi moadda dâjma ma lulun sierratjiehppevarresvuoda dievnastusfálaldagáv ednagit buoredit. Moaddása

dájs dâjmajs máhttá álkket buoredit oanegis ájge nalluj. Buojkulvissaj nannit ja ávddånahttet máhtudagáv sáme giela ja kultuvra birra sierratjiehppevarresvuoda dievnastusán, nannit ja ávddånahttet Sáme klinikhav, ásadir sáme varresvuoda juohkusijt, ásadir sáme fâhka- ja addneværmádagájt ja ávddånahttet sáme dâlkkumdievnastusáv nasjonála fálaldahkan. Strategidja ja dâjmaj oajvvadusá gâvviduvvi ienebut 5. kapihtalin.

1. Strategiddja sáme sierratjiehppevarresvuoda dievnastusáj badjásasj organisierima hárráj.
2. Strategiddja nasjonála doajmmapládnaj sáme varresvuoda dievnastusájda mij guoská sihke suohkan- ja sierratjiehppevarresvuoda dievnastusájda.
3. Strategiddja gâktu nannit sierratjiehppevarresvuoda dievnastusá kvalitiehtav ja máhtudagájt.
 - Nannit ja ávddånahttet máhtudagájt sáme giela ja kultuvra birra sierratjiehppevarresvuoda dievnastusán
 - Nannit ja ávddånahttet Sáme klinihka ja SÁNAM:a nasjonála dâjmav
 - Ávddånahttet sáme dâlkkumdievnastusáv nasjonála fálaldahkan nuortta- oarjjel- ja julevsámegielajda
 - Ásadir sáme fâhka ja addnijværmádagájt guovlo la lânda dásen
 - Ásadir sáme varresvuoda juohkusijt

5. Dåjma ma máhtti buoredit sierratjiehppevarresvuoda dievnastusájt sáme álmmugij

Juohkka ájna RHF iesj vásstet avtaárvvusasj sierratjiehppevarresvuoda dievnastusájs sáme álmmugij ietjas geográffalasj bájken. Udnásj sierratjiehppevarresvuoda dievnastus sámá álmmugij máhttá åvddånahteduvvat navti varresvuoda dievnastusá sáme álmmugij juohkka guovlon nanniduvvi. Prosjæktajugos oajvvat iesjenga dåjmajt ma soajtti buoredit sierratjiehppevarresvuoda dievnastusájt sáme álmmugij. Gehtja kapihttalijt 5.1-5.7 ma gåvvidi oajvvadusájt boahtteágje sierratjiehppevarresvuoda - dievnastusájda sáme álmmugij. Prosjæktajugos la válljim åvddåan biedjat gálmmå oajvvestrategidja aktan gåvvidit dåjmajt majt oajvvadip válljidum strategidjajda ma li gåvvidum 4. Kapihtalin.

5.1 Guoradallat sáme sierratjiehppevarresvuoda dievnastusáj badjásasj organisierimav - modella oajvvadusá



Låvdagoahte.

Akta prosjæktajuhkusij dakhamusájs lij guoradallat gáktu sierratjiehppevarresvuoda dievnastusá sáme álmmugij galggi rijka dásen organisieriduvvat åvddåljuovlluj.

Gå galggá oajvvadit gáktu sierratjiehppevarresvuoda dievnastusá sáme álmmugij galggi organisieriduvvat de hæhttmoadda ássjijt avta bále ájádallat degu: geografija, galla pasienta li, varresvuoda- ja iellemdile, makta fáhkabargge gávnnuji, ruhtadille ja ietjá vidjura.

Prosjæktajuhkusij la lähkám ájnas oajvvadit modellajt organisierimij ma sihkarassti jut miján la alla fágaliasj dásse, dudálasj addne, jut pasientajda la álkke midjij bessat ja

riektá ruhtadibme váj állit ILO-konvensjåvnå nr. 169 art. 25 mij javllá «varresvuoda dievnastusá álggoálmmugij vuoksjuj galggi hábbmiduvvat ja fáladuvvat álggoálmmuga ietjas åvdåsvásstádusá ja haldo duogen».

Organisierim galggá buoredit dievnastusájt sáme álmmugij ja sierraláhkáj dættodit hásstalusájt majt 2. kapihtalin gávvidijma: Sáme álmmuga varresvuoda- ja iellemidle – mav uddni diehtep? Nasjonála åvdåsvásstádus sáme álmmugij åttjudit avtaárvvusasj dievnastusfálaldagáv la ållu tjielgas, ja sierratjehppavarresvuoda dievnastusáj organisierim hæhttú liehket dájna vuodojn.

Prosjæktajuogos oajvvat niellja modella ma bierriji lagábut guoradaláduvvat:

Sáme klinikhka la divna dáj modellaj vuodon, gå dat la sierratjehppavarresvuoda dievnastusfálaldahka sáme álmmuga vuoksjuj mij juo buoragit doajmmá ja manna la sierralágásj máhtudahka sámegiela, kultuvra ja sebrudakiellema birra. Prosjæktajuogos

Modælla 1: Nullamodælla – udnásj organisierima joarkka

Modælla 2: Sáme klinikhka HF – njuolgga Varresvuhta Nuortta RHF vuolen

Modælla 3: Varresvuhtavidnudahka moadda åmastiddij – Helse Sápmi HF

Modælla 4: Stáhtavidnudahka – Helse Sápmi SF

árvvet modellajn 2, 3, ja 4 dárbaj edna ájgev tsieggit dågålasj struktuvrajt ja kapasitihtav ma ådå varresvuoda vidnudagáv doarjju, valla mijá mielas la ajtu navti jut guhkesájggásasj ulmme galgaluluj åvddånahttet riekta organisierimmodellav mij bærrájgæhettjá avtaárvvusasj varresvuoda dievnastusájt sáme álmmugij.

5.1.1 Modælla 1: Nullamodælla – udnásj organisierimav åvddånahttet

Modælla 1 gájbbet ienemus sierratjehppavarresvuoda dievnastusá sáme álmmugij gåbtjåduvvi dábálasj dievnastusfálaldagás. De la dåssju Sáme klinikhka sierratjehppavarresvuoda dievnastusán mij la sáme pasiænnntaj hiebaduvvam. Sáme klinikhkan la uddni sierralágásj åvdåsvásstádus, alla máhtudahka sáme giela ja kultuvra birra ja la ådås gánnå somatikhka, dålkkådievnastus ja psykalasj varresvuoda suodje ja gárevselga li aktan biejaduvvam klinikhkan njuolgga Finnmarko skihppijvieso vuolláj. Nullamodælla la udnásj organisierima joarkka ja báredibme mij manná Sáme klinikhkas.

Nullamodella organisierim:

- Sáme klinikhka klinikhkaoajvve la Finnmarko skihppijvieso háldadusoajve jádediddje juohkusin.

- Sáme klinihkan ij la sierra stivrra, valla sáme ájrrasa li Finnmarko skihppijvieso ja Varresvuhta Nuortta RHF stivrajn.
- Sáme klinihkka vásstet ietjas budsjehta ávdås.
- Sáme klinihkan la Varresvuhta Nuortta RHF baktu sjiehtadusá dåj ietjá varresvuoda vidnudagáj lándav miehtáj váj ietjá guovlo aj oadtju máhtudagájt ja muhttijn njuolggaa giehtadallamdievnastusájt Sáme klinihkan.
- Sáme klinihkan li sjiehtadusá Svierigijn ja Suomajn ja válldi vuosstáj guossepasientajt.
- Sáme klinihkka la dåhkkidum sáme nasjonála máhtudakguovdásj psykalasj varresvuoda suodje, gárevselgaj ja tsieggama gáktuj.

Udnásj modellav máhttá ávddånahttet navti jut varresvuoda dievnastusá sáme álmmugij nanniduvvi juohkka ájnna guovlo varresvuoda vidnudagán. Juohkka ájnna RHF vásstet avtaárvvusasj sierratjiehppevarresvuoda dievnastusáj ávdås ietjas geográfafalasj guovlon. Dáv máhttá dahkat degu navti gák gávvidip kapihtalin 5.3.

5.1.2 Modælla 2: Sáme klinihkka HF – njuolggaa Varresvuhta Nuortta RHF vuolen

Modælla 2 la joarkka udnásj organisierimis gánnå Sáme klinihkka organisieriduvvá sierra varresvuoda vidnudahkan Varresvuhta Nuortta vuolen.

Sáme klinihkka HF sjaddá ádå HF mij iesj ásat sierratjiehppevarresvuoda dievnastusájt sáme álmmugij ja vásstedi udnásj Sáme klinihka dåjmaj ávdås. Dán varresvuoda vidnudagán la somatikhkka, LMS-fálaldahka, psykalasj varresvuoda suodje, gárevselga ja tsieggam, nasjonála sáme dålkådievnastus ja dutkam. Sáme klinihkka HF ávddånahteduvvá sáme sierratjiehppevarresvuoda dievnastusáj máhtudakguovdátjin mij máhttá ietjá HF ja RHF doarjot sáme giela ja kultuvra máhtudagáj.

Sáme klinihkka HF organisierim

- Sáme klinihkka HF æjgát la, ja oadtju juohkka jage dahkamusájt Varresvuhta Nuortta RHF.
- Sáme klinihkka HF jádeduvvá ja stivriduvvá hálldadusdirekteras.
- Sáme klinihkka HF la sierra stivrra ájrrasij majt æjgát, Sámedigge ja bargge li nammadam.
- Sáme klinihkka HF oadtju ietjas sierra budsjehtav.
- Sáme klinihkka HF duogen la fállat avtaárvvusasj ja kultuvralattjat hiebaduvvam sierratjiehppevarresvuoda dievnastusájt sáme álmmugij. Dát tjoavdeduvvá sihke udnásj Sáme klinihka dåjma baktu ja aktisasjbarggon ietjá varresvuoda vidnudagáj ja suohkanij.
- Akta varresvuoda vidnudagá dahkamusájs la tjoahkkit ja oablodit máhtudagájt, dasi gullu aj udnásj máhtudagájt ålles ja vuogas láhkáj ávkástallat.

- Sáme klinikhkka HF galggá doarjot dåjt ietjá varresvuoda vidnudagájt lándav miehtáj váj oadtju máhtudagájt ja muhttij njuolgga giehtadallamdievnastusájt jus la dárbo.
- Sáme klinikhkan HF li sjiehtadusá Svierigijn ja Suomajn ja válldi vuosstáj guossepasientajt.

5.1.3 Modælla 3: Aktisasj varresvuoda vidnudahka – Helse Sápmi HF

Modælla 3 organisieri varresvuoda dievnastusájt sáme álmmugij sierra varresvuoda vidnudahkan man æjgáda li Varresvuhta Nuortta RHF, Varresvuhta Gasska-Vuodna RHF, Varresvuhta Oarjje-Lulle RHF ja Varresvuhta Alle RHF aktan.⁵ Prosjæktajuogos la dáv aktisasj æjgádij modellav gáhettjum Helse Sápmi HF (Varresvuhta Sábme HF). Helse Sápmi máhttá doarjot dåjt ietjá varresvuoda vidnudagájt lándav miehtáj váj oadtju máhtudagájt ja muhttij njuolgga giehtadallamdievnastusájt jus la dárbo. Helse Sápmi máhttá aj bagádallat suohkanijt, varresvuoda vidnudagájt, departementajt, Varresvuodadirektoráhtav, Kriminalhuvsov, Álmmukvarresvuoda instituhtav, Dutkam-ja ávddånahttemsuorgev ja ietjá stáhta ásadusájt.

Helse Sápmi HF organisierim:

- Helse Sápmi HF oadtju juohkka jage dahkamusájt dajs 4 RHF-ajs, ma vas departementas dahkamusájt oadtju.
- Man ålov juohkka dajs 4 RHF-ajs åmas soajttá målssot. Bierri gávnnut ruhtadimtjåvda mij åmastimoasev tjuovvu, jali mij máhttá stivrriduvvat dan milta makta dievnastusfálaldagáv adná ja ávkástallá.
- Helse Sápmi HF jádeduvvá ja stivrriduvvá háldadusdirekteras.
- Helse Sápmi HF la sierra stivrra ájrrasij majt æjgát, Sámedigge ja bargge li nammadam. Helse Sápmi HF la sierra budsjæhtta.
- Helse Sápmi HF duogen la fállat avtaárvvusasj ja kultuvralattjat hiebaduvvam sierratjiehppevarresvuoda dievnastusájt sáme álmmugij. Dát tjoavdeduvvá sihke udnásj Sáme klinikhka ávdåsvásstádusá ja dåjma baktu ja aktisasjbarggon ietjá varresvuoda vidnudagájt ja suohkanij.
- Helse Sápmi HF dahkamus la tjoahkkit ja oablodit máhtudagájt, dasi gullu aj udnásj máhtudagájt ållles ja vuogas láhkáj ávkástallat.

5.1.4 Modælla 4: Stáhtavidnudahka – Helse Sápmi SF

Modælla 4 gávvit varresvuoda dievnastusáj organisierim sáme álmmuga vuoksjuj stáhtavidnudagá baktu mij la njuolgga HOD vuolen ja mij máhttá doajmmat stivrrijiddje ja rádevadde orgádnan varresvuoda ássijin sihke suohkan- ja sierratjiehppevarresvuoda

⁵ Ietjá varresvuoda vidnudagá majn li moadda åmastiddje li: Sykehusinnkjøp HF, Luftambulanssetjenesten HF, Pasientreiser HF, Helseforetakenes driftsorganisasjon for nødnett HF ja Sykehusbygg HF.

dievnastusán.⁶ Dáv modellav la prosjæktajugos mierredam gåhettjot Helse Sápmi SF (Varresvuhta Sábme HF).

Helse Sápmi SF organisierim:

Helse Sápmi SF sisadná aj tjuorgajt ma li modellan 1 gåvvidum. Sieradus modellaj 3 ja 4 gaskan la modælla 4 oajvvaduvvat njuolgga Varresvuhta- ja huksodepartementa vuolláj, ja navti bæssá aj suohkanvarresvuoda dievnastusáj ávdås aj ienebut vásstedit.

5.1.5 Gåktu prosjæktajugos árvustallá iesjgeŋga modellajt

Modælla 3 ja 4 ieridi nubbe nuppes navti jut li goabbák dásen organisierima hárráj.

Modælla 3 la HF majt varresvuoda vidnudagá juohkkat guovlos æjgguji, madi modælla 4 la stáhta vidnudahka. Stáhta vidnudahka bæssá gájka varresvuoda vidnudagájda duov dáv diededit, ja vaddá ienep autonomijav gå då ietjá modella.

Varresvuoda vidnudahka degu Helse Sápmi SF jali HF aneduvvat nanos vejulasjvuohtan mij guoská guojmmemierredimev ja duohta fámov sihkarasstet. Danen gå ásaduvvat iesjrádálasj vidnudahka mij oadtju ietjas dijn̄gomijt njuolgga HOD:as jali guovloj varresvuoda vidnudagájs. Liehket dåj moadda guovloj varresvuoda vidnudagáj vuolen soajttá aj hieredibmen gå li moadda æjgáda ja dåssjedis gasska HOD:a vuoksuj. Jus sáme e gávnuu njunnutjin ja mierrediddje orgánajn de soajttá sáme vuojnno ij ávddân boade gå galggá guoradallat ja mierredit. Modælla 3 ja 4 organisierima baktu nanniduvvat sáme perspektivva mierrediddje orgánajn.

Guhkijt hæhttú barggat ávddål oadtju dågålasj struktuvrajt ja kapasitehtav mav dárba varresvuoda vidnudagá vuodon degu Helse Sápmi SF jali HF. Politihkalasj lájddima, ruhtadalli, juridihkalasj vidjura ja galla vejulasj pasienta gávnuuji li ássje ma dán prosessan hæhttui tjielggiduvvat ja árvustaláduvvat.

Prosjæktajuhkusa mielas la modælla 2 Sáme klinikhka HF vehi rasjep mij guoská ILO-konvensjávnå állidibmáj gå modælla 3 ja 4. Sieradus la dán varresvuoda vidnudagán sjaddá binnep badjásasj ávdåsvásstádus rijka dásen. Dán modellan dat ávdåsvásstádus la Varresvuhta Nuortta RHF duogen. Dat vas gájbbet Varresvuhta Nuortta RHF oadtju badjásasj ávdåsvásstádusáv sierratjiehppevarresvuoda dievnastusáj ávdås sáme álmmugij. Prosjæktajuhkusa bieles båhti vásádusá jut dárbo sámijda ålggolin Finnmárko e álliduvvat jalik dádjaduvá. Modellan 2 de soajttá sierratjiehppevarresvuoda dievnastusfálaldahka

Varresvuhta Nuortta RHF guovlo ålggolin ráddjiduvvat. Sæmmi båttå de prosjæktajugos dættot jus Sáme klinikhka HF biejaduvvat njuolgga Varresvuhta

⁶ Ietjá buokkulvis stáhtavidnudahkaj mav Varresvuhta- ja huksodepartemænnta æjgát la Norsk Helsenett SF.

Nuortta RHF vuolláj de dat luluj vaddet ienep iesjmierredimev ja almما fámov gå udnásj organisierimijn buohtastahttá. Vidnudahka luluj aj ienebut vuojnnut ietjá varresvuoda vidnudagája sihke guovlo ja rikja dásen. Navti lij Sáme klinikhka HF sjaddat luondulasj máhtudakguovdásj ja ietjá varresvuoda vidnudagája doarjan.

Modælla 1 merkaj udnásj organisierim joarkká. Navti gáktu dát modælla dállea doajmmá, de sáme álmmugij vaddá binnep iesjmierredimev ja fámov gå då ietjá modella. Udnásj organisierim la rasjes dilen ruhtadime gáktuj ja sáme sierratjiehppevarresvuoda dievnastusá aj gierddi gå ietjá klinikhajn ruhtagálådimev binnedi. Varresvuohtha Nuortta RHF la oadtjum nasjonála ávdåsvásstádusáv sáme álmmuga ávdås, valla dát ávdåsvásstádusás la ållo vattedum Finnmárko skihppijviessuj. Finnmárko skihppijvieson vas la ietjas oajvvevuorodibme Finnmárko álmmuk, navti soajttá sáme Finnmárko ålggolin e vuoroduvá. Buorre bielen la gal navti jut dájna modellajn dalága jáhtuj boahtá ja máhttá organisasjåvnåv rievddat jáhtelit ja realistalasj láhkáj. Finnmárko skihppijviesso la juo mierredam organisasjåvnåv rievddat ja ásadam sierra Sáme klinikhav, mij la oassen vidnudakjádedimes. Nanos sáme fáhkabirrasa li ásadum majn aj la buorre máhtudahka rikja ja rikkajgasskasaj dásen barggat.

Prosjæktajuohkusa fágalasj árvustallama ja váj állit ILO-konvensjåvnå nr. 169 art. 25 mij javllá «varresvuoda dievnastusá álggoálmmugij vuoksuj galggi hábbmiduvvat ja fáladuvvat álggoálmmuga ietjas ávdåsvásstádusá ja haldo duogen», de oajvvat prosjæktajuogos jut gájka modella tjielgaduvvi vejulasj organisierimin sierratjiehppevarresvuoda dievnastusájs sáme álmmuga gáktuj.

Prosjæktajuohkusa ájrrasa Arnhild Somby, Knut Johnsen ja Kristine Grønmo oajvvadi aj dág tevstav duodden:

Prosjæktajuogos vuojnná dákki guoradallam sjaddá guhkijt vihpat. Prosjæktajuogos vuojnná uddni li sáme varresvuoda dievnastusá vuolemus dásen mij guosská organisierimij ja ruhtadilláj. Sáme varresvuoda dievnastusá ma uddni gávnuji li sihke bájkálasj ja rikja dásen, ja vuordeduvvá galggi gájka sámijt juohkka sáme guovlon dievnnut. Dáj dievnastusfáladagáj bærrájgæhttjam li sæmmi båttå agev ruhtadile duogen nágin varresvuoda vidnudagán. Prosjæktajuohkusa mielas dát ij állida njuolgadusájt ma båhti ávddán duola degu ILO-konvensjåvnå nr. 169 art. 25 mij javllá «varresvuoda dievnastusá álggoálmmugij vuoksuj galggi hábbmiduvvat ja fáladuvvat álggoálmmuga ietjas ávdåsvásstádusá ja haldo duogen».

Gå dákki guoradallam sjaddá nav guhkijt vihpat, de bierrip sæmmi bále gehtjadit majt máhttep dahkat oanegis ájgen. Akta ássje mav máhttep dahkat la biedjat sáme varresvuoda dievnastusájt/ Sáme klinikhav njuolgga Varresvuohtha Nuortta vuolláj madi vuorddep guoradallamav. Sierra stivrajn ja budsjehtajn lulujma avtav lávkev lagábut rikkajgasskasaj njuolgadusájt állidit. Ietjá guovlo sámij dievnastusájt máhttá sjehtadusáj baktu állidit.

Prosjæktajuogos juohkusij vuojnon jus dát oasse galgaj maŋen rappårtân. 50% prosjæktajuohkusa ájrrasijs doarjjun tækstaoajvvadusáv, ja 50% miejnnijin dát oajvvadus bierri lagábut guoradaláduvvat sæmmi degu då ietjá modella åvddål máhttá tjielgga oajvvadusáv buktet.

5.2 Nasjonála doajmmapládna sáme varresvuoda dievnastusájda mij guoská suohkan- ja sierratjiehppevarresvuoda dievnastussaj

Sáme pasientajn la riektá avtaárvvusasj varresvuoda- ja huksodievnastusájda hiebadam ietjasa kultuvrraj ja giellaj. Sæmmi bále diehtep sáme pasienta e heva besa ietjasa giellaj guládallat varresvuoda dievnastusájn uddni. Prosjækta «Strategalasj åvddånahttem sierratjiehppevarresvuoda dievnastusájs sáme álmmugij rijká dásen» la lávkke åvddålijguovlluj avtaárvvusasj varresvuoda dievnastusáj vuoksuj, valla dát aktu ij la nuoges.

Gå galggá varresvuoda dievnastusájt åvddånahttet sáme álmmugij de dat bierri dagáduvvat lahka aktisasjbarggon sierra- ja suohkanvarresvuoda dievnastusá gaskan. Dan vuodon bierri geografiddja, galla pasienta, varresvuoda- ja iellemdile, buorre fáhkamáhtudagá, ruhtadille, ævto ja jut sáme álmmuga dárbo soajtti bájkes bájkkáj rievddi.

- Ráddidus bierri dahkat ådå nasjonála doajmmaplánav sáme varresvuoda dievnastusáj hárráj mij sisadná sihke suohkan- ja sierratjiehppevarresvuoda dievnastusájt, prosjæktajuohkusa oajvvadusáj milta. Duodden prosjæktajuohkusa oajvvadusá dâmajda gávnuji dávk ájn ienep.

5.3 Sihkarasstet kvalitiehtav ja máhtudagáv sierratjehppevarresvuoda dievnastusán.

Buoredit kvalitiehtav varresvuoda dievnastusájn sáme álmmugij aktan bærrájgæhttjat jut áttjut ienep máhtudagájt gielan ja kultuvrav varresvuoda barggij gaskan la vijdes barggo. Dat merkaj duola degu ádå fálaldagájt ávddánahttet, sáme pasientaj dárbojt vuojnnusij buktet iesjgeŋga láhkáj, nannit åhpadimev, bærrájgæhttjat jut varresvuoda bargge ja dievnastusdáse aktan barggi, ádå teknologidjav adnuj válldet aktan nannit ja bisodit udnásj dåmajt. Duodden bierri dutkamdagmajt lasedit.

5.3.1 Sihkarasstet kvalitehtav ja ávddánahttet máhtudagájt sáme giela ja kultuvra birra sierratjehppevarresvuoda dievnastusán

Dåjma ma sihkarassti ja nanniji máhtudagájt sáme giela ja kultuvra birra galggi sajenisá álles sierratjehppevarresvuoda dievnastusán. Dåjma hæhttui systemáhtalattjat tjadáuvvat, jádediddje dajt doarjot ja da galggi ávddán boahitet stivrrijiddje dokumentajn ja máhtudakplánajn. Gákka guovlo varresvuoda vidnudagá bierriji Sámedikkijn aktisasjbarggosjiehtadusájt dahkat. Sjiehtadusá hæhttui geográffalasj diliđa tjanáuvvat.

Oajvvadum dåjma:

- **Ávddánahttet ja jáhtuj biedjat strategidjajt gáktu áttjudit ja bisodit barggijt sáme giella ja kultuvrra máhtudagájn navti jut:**
 - sáme giella- kulturmáhtudahka ánoduvvá almodimtevstajt váj ienep sáme barggijt oadtu HF-ajda.
 - dilev láhtjá váj varresvuoda bargge sihke vuodo- ja joarkkaåhpodusájn fáladuvvi práksisav dahkat Sáme klinihkan.
 - sámijt kvotierit varresvuoda fáhkaåhpodusájda.
 - fállat duodde bálkáv sámegielak barggijda.
 - sierra oahppovirge sáme varresvuoda barggijda.
 - dahkat árnigijt dåktárijda, psykolåvgåjda ja skihppisujtárijda joarkkaåhpan váj jáhtelit álliđi.
- **Sihkarasstet jut klinihka bargge gákka varresvuoda vidnudagájn la vuodomáhtudahka sáme gielan ja kultuvran navti váj:**
 - áttjudit systiemajt gáktu sáme gielav ja kultuvrav åhpadir juohkka dásen sierratjehppevarresvuoda dievnastusán, degu kursaj ja fáhkabievjij baktu, jádediddjeprogrammaj, kursa ádå barggijda ja sisjeldis åhpadibme.
 - ávddánahttet bákkulasj e-oahppamprogrammajt ma sisadni sámegielav ja kultuvrav varresvuoda barggij máhtudakmoduvllan
- **Fállat konsutasjávnåjt video baktu Sáme klinihkas jali ietjá ásadusájs**

- **Álgadit sierra virgijt jali kombinasjávnnåvirgijt mij guoská sáme varresvuohtaj**, duola degu sáme varresvuoda juohkusa.
- **Ásadit sáme fáhkaværmádagá bájken ja guovlon**, degu álgadit ressurssajuohkusijt varresvuoda vidnudagájn ma li tjiehpe sámegiellaj ja kultuvrraj. Juohkusa máhti liehket ressurssan sáme pasientajda ja barggija varresvuoda vidnudagán.
- **Diehtojuohkemnævojt ávddånahttet, járggalit ja hiebadit gájka sáme gielajda:**
 - Diedo pasiänntariektáj, giehtadallamfálaldagáj ja ietjá vidjurij birra.
 - Gájka diedo ma gávnnuji helsenorge.no næhtabielen galggá sámegiellaj gávnnut.
 - Dahkat diehtojuohkem- ja áhpadimgárvvidusájt ma li hiebadum sáme mánájda ja nuorajda, duola degu rubmaha, seksuála varresvuoda, psykalasj varresvuoda ja vhágahattem.
- **Bærrájgæhttjat vædtsagijt guoradallamij, giehtadallamij ja áhpadibmáj mij la sáme álmmugij hiebaduvvam:**
 - Dahkat ja hiebadit tjielgadimvædtsagijt ja giehtadallamnævojt.
 - Implementierit Kulturformuleringsintervjuet (KFI) hiebaduvvam sámegiellaj ja kultuvrraj gájka varresvuoda vidnudagálda lándav miehtáj.
 - Hiebadit iesjsårmimhierediddje kursajt sámegiellaj ja kultuvrraj.
- **Nasjonála doaj mmaplána vhágahattema ja ráhtsatjime gáktuj galggi nannit ja sihkarasstet avtaárvvusasj ja kultursensitijva giehtadallamfálaldagáv sáme pasientajda ja sijá lagámusájda gudi li hættum gierddat vhágahattemav ja ráhtsatjimev.** Aktisasjbarggo sierratjiehppevarresvuoda dievnastusá, suohkanvarresvuoda dievnastusá ja luojvoj organisasjávnåj gaskan ma barggi sámij gudi vhágahatedum bierri nanniduvvat.
- **Implementerit «Pládna gáktu hieredit iesjsårmimav sámij gaskan Vuonan. Svierigin ja Suoman».** Avtaárvvusasj ja kultursensitijva giehtadallamfálaldahka/tjuovvolibme sáme lagámusájda iesjsårmimij hæhtt sihkarassteduvvat ja nanniduvvat.
- **Hiebadit gielalattjat ja kultuvralattjat juogosfálaldagájt sáme pasientajda gudi rahtji guhkesájggásasj ja/jali máhttse varresvuoda gássjelisvuodaj.** Kursa bierriji ávddånahteduvvat gájkajn gálmåjn giellaguovlojn ja aktisasjbarggon bájkálasj HF:aj. Sáme klinihka DjÅ-åssudahka bierri dáv bargov koordinerit.
- **Sáme gielav ja kultuvrav vuojnnusij buktet gájka varresvuoda vidnudagájn lándav miehtáj**, degu sáme avijsaj, girjij, galbaj, ståhkusij ja dájda baktu. Gájka varresvuoda vidnudagá galggi sáme álmmukbiejvev guovvamáno 6. biejvev ávvudallat.

- Ásadit sáme æjvalimbájkev sáme pasientajda, lagámusájda ja bargijda gánnå dat la luondulasj⁷
- **Bærrájgæhttjat jut fálaldahka sáme pasientajda gávviduvvá sjiehtadusájn suohkanij ja sierratjiehppevarresvuoda dievnastusáj gaskan.** Sáme perspektivva hæhttua tjáleduvvat ja dâjma gávviduvvat gå varresvuoda aktijuodajt ávddånahttá, dievnastussjiehtadusájn ja aktisasjbarggosjiehtadusájn.
- **Sihkarasstet jut gávnuji fáhkaráddevaddevirge varresvuoda vidnudagájn ja gájka guovllovarresvuoda vidnudagájn majn la sierratjiehppevarresvuoda dievnastusá sáme álmmugij ávdåsvásstádussan.**

Vuorodum dutkamtiemá:


- álmmukguoradallama varresvuoda- ja iellemdilij birra ábbålattjat
- iesjenga guovloj sáme mánáj ja nuoraj fusulasj ja psykalasj varresvuhta guhkes ájge nalluj
- ællobargij varresvuhta ja iellemdille
- iesselissan- ja áhkeávddånahttem – sjaddamkurva (vejulasj vuona ieddne, áhttje ja mánná guoradallama baktu)
- dilev láhtjet ja gæhttjalit iesjenga modellajt sáme mánájda varresvuoda dievnastusán, degu varresvuoda stasjåvnân
- guovtegielakvuhta: majt dat merkaj dábálasj ávddånahttemij ja varresvuohatj
- psykalasj varresvuoda suodjalime adno állessjattuk sámij gaskan
- manen ja gáktu la sámij gaskan ienep vahágahttem ja ráhtsatjime ieneplåhkoálmugia gáktuj?
- aktisasjbarggo sierratjiehppevarresvuoda dievnastusá, suohkanvarresvuoda dievnastusá ja luojvoj organisasjåvnâj gaskan vahágahttema vuosstij
- sámij iesjsårmim tjanádum dárojduhttema vájkkudusájda varresvuohatj
- sámegiela ja sámevuoda massem ja majt dat merkaj ávddånahttemij ja haelssuj
- demænssa ja verbála guládallama massem sáme aktijuodan
- oarjjel- ja julevsáme álmmuga varresvuoda dille
- gáktu sáme ietja varresvuodastisá nanniji?
- iellemdilleskihpudagá sáme álmmugin, sivá ja dâjma
- gárevselgaj adno sámij gaskan
- bádnevarresvuoda guoradallama

⁷ Sáme æjvalimsaje: Sáme pasientajda ja lagámusájda soajttá luluj viehkken jus gávnu æjvalimsadje stuorra skihppijviesojn degu UNN, Finnmárko skihppijviesso Hammerfest, Nordlanda skihppijviesso, St Olavs hospital ja Rikshospitalet. Návti soajttá sáme pasienta sjaddi ienep jasska gå bessa ietjá sámij siegen liehket. Dát máhttá liehket sierra ladnja mij sáme kultuvrav gávvit, degu avijasj, musikhajn ja diehtojuohkemmateriálaj. Dánna máhttí sáme bárgge aj liehket gejt sáme pasienta bessi iejvvit jali rávvit. Sáme ladnja máhttá aj sáme varresvuoda juohkusij tjadnat.

5.3.2 Sáme klinikhkav nannit ja ávddånahttet

Sáme klinikhka visjåvnnå la sihkarasstet avtaárvvusasj sierratjiehppevarresvuoda dievnastusájt somatihka, psykalasj varresvuoda ja gárevselgaj gáktuj sáme álmmugij.

Udnásj fálaldagáv hæhttu nannit ja ávddånahttet. Bargge ja ruhtadille hæhttuji suodjaluvvat váj Sáme klinikhkka galggá buktet ietjas dakhamusáv állidit mij la avtaárvvusasj dievnastusájt fállat sámijda rijkkadásen. Váj dievnastusfálaldahka galggá ávddånahteduvvat de hæhttuji moadda suorge klinikhkan nanniduvvat, sierraláhkáj somatihkan.



Medisijnalasj báhkogirjje julevsámes-dárruj,
Divtasvuona suohkan almodam jagen 2018.

*Varresvuhta – helse
Skihippiviesso- sykehus
Hækka- akutt
Báktjasijjt giehpedit- lindre smerte*

Sáme klinikhka bierri bessat sáme barggijt virggáj biedjat unnep klinikhka virggeprosentajda, dakkár barggijt gudi dábálattjat barggi duola degu Oslo universitettaskihppijvieson jali St. Olavs hospital. Dát máhttá aj sáme fáhkabirrasijt nannit rijkkadásen.

Ietjá ávddånimsuorgge la aktisasjbarggo Sáme klinikhka ja ietjá varresvuoda dievnastusáj gaskan. Danen bierri Sáme klinikhka sadjásij oadtjot aktisasjbarggosjiehtadusájt suohkanij ja varresvuoda vidnudagáj ietjas doajmmaguovlo álggolin Finnmárkon váj máhti sáme pasientajt ja barggijt viehkedit rijkkadásen. Duola degu máhti Sáme klinikhka tjehpe ambulerit ietjá guovdásj sáme guovlojda degu Plassjej (Røros) ja Hábmerij. Sáme klinikhka máhttá aj ietjas dievnastusfálaldagáv nannit video baktu.

Goalmát vuorodimsuorgge la Sáme geriatriddja juogos. Uddni li dav álgadime ja dat galggá fágajgasskasoj guoradallamijt fállat vuorrasap sáme pasientajda. Sáme klinikhkan la ulmme fállat nasjonála geriatriddja-fálaldagáv sáme pasientajda suohkanvarresvuoda dievnastusáj aktisasjbargo baktu ja ambulerim suohkanijda sáme álmmugij.

SÁNAM:a álggokontåvrå Oslo, Plassjen, Snåasan, Hábmerin ja Narvijkan fálli pasientaj giehtadallamijt ja guoradallamijt bájkálattjat, valla árvustallá aj jut la dárbo álggokontåvråjt nannit.

Rehabilitierimfálaldahka sáme álmmugij ij la dågålasj. Dákkir rehabilitierimfálaldahka bierra åvddånahteduvvat ja ásaduvvat lahka aktisasjbarggon suohkanij.

SÁNAM dállo barggá sierra fálaldagájn familjajda ællobargon, man ulmme la hieredit mánáj ja nuoraj psykalasj varresvuoda vávjijt.

Virge ma bierriji dalá ásaduvvat váj Sáme klinikhav nanni ja åvddånahttá:

- Mánájdåktår
- ØNH (biellje-njunnje-tjåttå)-tjiehppe / audiopedagåvggå
- Tjalmmedåktår
- Vásáduskonsulænnvirgev stuoves virggen dahkat
- DjÅ-åssudagáv nannit ja åvddånahttet váj somatikhka aj dasi gullu
- Ásadir virgev mij várajda válldá sámegielav, dälkkumav ja járggålimdievnastusájt
- Familljaåssudagáv stuoredit avtajn juohkusijn
- Sænjasaje tjanádum geriatriaj guoradallamij
- 3 LIS-dåktåra Sáme klinihkkaj

Dá bierriji liehket sierra virge majn sámegielak bargge vuoroduvvi. Sij válldi ienemus oasev sierraåhpodusás UNN:an jali Nordlanda skihppijvieson, madi oase poliklinikhkalasj åhpodusás máhttá tjadádit Sierradåktårguovdátjin Kárásjågånn. LIS gerijátrian/sisjeldismedisijnan, biellje-njunnje-tjåttå ja tjalmme bierriji vuoroduvvat.

Ietjá virge ma bierriji ásaduvvat li:

- 1 bárredávddaskihppijsujttár (palliativt ambulant team)
- 1 diabetesskihppijsujttár (ambulant diabetesteam)
- 1 radiográfá
- 1 bioingenierra

Vuosedip aj tjuovvosij 1. *Sáme klinihka visjåvnná ja åvddånahttemdåjma.*

5.3.3 Sáme dålkumdievnastusáv ávddånahttet nasjonála fálaldahkan fálaldagáj nuortta-, julev- ja oarjjelsámegiellaj

Sáme dålkumdievnastusáv bierri ávddånahttet váj gávnnuji dievnastusá nuortta-, oarjjel- ja julevsámegiellaj. Hæhttu vijddásappot barggat váj gávnná buorre tjoavddusijt dålkkådiŋŋuma gáktuj, váj pasienta e dárbaha dålkåv ádnot. Bierri árvustallat jus sámegiella ja dålkkådárbbó galggá tjáleduvvat kjernejournállaj ja «familie-sosialt» oassá pasiänntajournálas (EPJ vædtsak). Dålkkumfálaldahka bierri gábtjtåd dábalasj konsultasjávnåjt valla aj gávnnut hæhkka dilijn sihke suohkanijn, ávddål skihppijvieso ja skihppijviesojn.

- Varresvuhta Nuortta RHF hæhttu álgadit prosjevtav mij galggá tjielgadit gáktu máhttá nasjonála dålkkumdievnastusáv álgadit manna la birra jánndura dievnastus. Fálaldahka hæhttu gábtjtåd sihke nuortta-, julev- ja oarjjelsámegielajt. Fálaldagáv hæhttu tjadnat Sáme klinihka dålkkumdievnastussáj juoktá, degu teknologija baktu. Fálaldahka galggá gábtjtåd dábalasj dålkkådievnastusáv, valla aj gávnnut gieda ávdân AMK-sentrálajda.

5.3.4 Ásadit sáme fáhka- ja addneværmádagájt guovlo ja rijka dásen

Váj fáhkamáhtudagájt tjoahkki, de oajvvadip ásadit værmádagájt varresvuoda barggijda gudi sáme varresvuoda dievnastusáj barggi guovlo ja rijka dásen. Værmádagá bierriji bájkálasj dililda hiebaduvvat. Oarjjelsáme varresvuoda værmádagán li uddni varresvuoda bargge álles oarjjelsáme guovlon ja vissjalit barggi diehtojuohkemijn, dutkamijn, prosjæktaåvddånahttemijn ja avtaárvvusasj varresvuoda dievnastusáj gáktuj sijá guovlon. Jus muodugasj værmástagájt ásat juohkka guovlon de máhttá nubbe nuppe tjehpu dagájt ávkástallat ja juohkka jage æjvvalit nasjonála tjuolmajt tjoavdátjt. Duola degu máhttá konferánsav ásadit säemmi bále gå sáme dåktårsiebre jahkekonferánssa váj navti álles fáhkabirás tjähkan man ulmme la sáme álmmuga varresvuoda dievnastusájt ja varresvuodav nannit. Varresvuoda værmádagá bierriji organisieriduvvat stivrimjuohkusijn ja ruhtaduvvat guovlo varresvuoda vidnudagás jali HOD:as.

- Sáme nasjonála fáhka- ja addnijværmádagá hæhttuji ásaduvvat.




Sáme lijnij sjánje ma Sámediggevieson gahtsahi.



Guollárvanntsá Vestre Jakobselvan.

5.3.5 Sáme varresvuoda juohkusijt álgadit



Oarjelsáme varresvuoda-värmástagá profijllagåvvá

South Central Foundation la Oarjelsáme varresvuoda værmádagáv arvusmahttám váj modælla «Sáme varresvuoda juogos» álgaduváj. Dát modælla dilev láhtjá váj sáme varresvuohtabargge galggi bessat sáme pasientaj barggaj vidnudagáj, suohkanij, háludadusdásij ja filkkarájáj rastá.

Máhtudagá sáme pasientaj kultuvra, giela ja varresvuoda dile birra li ájnnasa váj pasiänntasihkarvuhta nanniduvvá ja váj fállá nav buorre varresvuoda dievnastusájt gá ber vejulasj sáme álmmugij. Hæhttú plánav dahkat váj nanni dáv máhtudagáv varresvuoda suorgen ájge nalluj. Ájnas la aj ávkástallat máhtudagáv mij juo gávnuu sáme varresvuoda barggij gaskan. Sijá máhtudagá sáme giela, kultuvra ja varresvuoda birra li viek mávsulattja, ja máttá aneduvvat váj sáme pasientajt bærrájgæhttjá. Danen bierriji suohkana ja varresvuoda vidnudagá sáme álmmugijn dåjmalattjat sáme barggijt åttjudit.

Uddni sáme dåktåra, skihppijsujttára ja fisioterapevta lähki moatten sajen. Duodden gávnuji dättja varresvuoda bargge gudi li sáme vidjurijda oahpásmuvvam. Uddni dåssju nággin gallegasj suohkana ja varresvuoda vidnudagá dåjmalattjat dáv máhtudagáv åhtsi. Ja nággin gallegattja ma sáme barggij tjehpudagájt ávkástalli njuolgga sáme pasientaj vuoksjuj.

Oajvvadip álgadit sáme varresvuoda juohkusijt gánnå varresvuoda bargge gejn li máhtudagá sámegiela ja kultuvra birra, aktan barggi juohkusin manna l sierralágásj åvdåsvásstádus sáme pasientajt várajda válldet. Návti uddni barggá báhtariddje-varresvuoda juohkusijn ja fágajgasskasajs pasiänntajuohkusijn.

Sáme varresvuoda juohkusa galggi fágajgasskasasj juogos manna li moatte lágásj virge degu dåktår, skihppijsujttár, fisioterapevta, varresvuoda skihppijsujttár sáme giella ja kulturmáhtudagájn. Dá galggi suohkan-, filkka-, rijkka- ja háludadusdásij rájáj rastá barggat.

Ájnnasamos oasse dán vuoges organisierit dievnastusájt ájnegis pasientajda la jut åvdåsvásstádus sáme pasientaj åvdås dájda juohkusijda biejaduvvá. Ulmme la

varresvuoda juohkusa li sebrudahtedum oasse udnásj varresvuoda dievnastusás. Varresvuoda bargge máhti álgget sierra virgijda jali lijjgevirgijda suohkanijn ja varresvuoda vidnudagájn ma li sáme varresvuoda juohkusijda tjanádum.

Sáme varresvuoda juohkusij organisierim hiehpá aj Nasjonála varresvuoda- ja skihppijviessopládnaj 2020–2023 gánnå ráddidus ájggu ásadir 19 varresvuoda sæbrástallama suohkanij ja skihppijviesoj gaskan varresvuoda vidnudagáj guovloj milta. Varresvuoda sæbrástallamijen æjvvali varresvuoda vidnudagáj, suohkanij, fásstadåktárij ja addnij åvdåstiddje dajna ulmijn jut aktan gávnná bájkálasj tjoavddusijt. Niellja pasiænntajuohkusa galggi vuoroduvvat: Sij gejn li alvos psykalasj vájve ja gárevselga gássjelisuoda, vuorrasa, máná ja nuora, ja sij gejn li moadda kronihkalasj vájve. Dákkir varresvuoda sæbrástallamijen sjaddá aj luondulasj dættodit avtaárvvusasj varresvuoda dievnastusájt ja buorre pasiænntagiehtadallamav sáme álmmuga gáktuj dievnastusdásij rastá.

Sáme varresvuoda juohkusijen galggá stuoves ruhtadibme.

Vejulasj dahkamusá sáme varresvuoda juohkusijda:

- Pasientajt ja lagámusájt fágajgasskasattjat klinihkalasj tjuovvolit suohkanijn ja varresvuoda vidnudagájn
- Pasientajt vuosedit ja koordinerit suohkanij ja sierratjiehppevarresvuoda dievnastusáj gaskan
- Pasientajt ja lagámusájt viehkedit telefåvnå ja nehta baktu
- Varresvuoda barggijt bagádallat
- Suohkanijt ja varresvuoda vidnudagájt bagádallat
- Diehtojuohkem já máhttogaskostibme
- Barggijt åttjudit

ARBEIDSDELING I HELSEFELLESSKAP

Brukere og fastleger deltar på alle nivå

PARTNERSKAPSMØTET

Politisk og administrativ toppledelse i kommuner og helseforetak



Arlig møte for å forankre retning

STRATEGISK SAMARBEIDSUTVALG


Administrativ og faglig ledelse i kommuner og helseforetak



Utvikle strategier og handlingsplaner

Håndtering av saker og løpende beslutninger

FAGLIGE SAMARBEIDSUTVALG



Utvikle prosedyrer og tjenestemodeller

Oasse Nasjonála varresvuoda- ja skihppijviessoplánas 2020–2023.

Aktisajbarggon guoskavasj varresvuoda vidnudagá ja suohkanij gaskan de bierri:

- Ásaduvvat sáme varresvuoda juohkusav oarjel- ja julevsáme guovlon
- Ásaduvvat sáme varresvuoda juohkusav stádajn degu Áltá, Råmsså, Bådåddjo ja Oslo.

6. Låhpadibme



Tjátjega/gábmaga.



Duodje/snjissjkom.

«Gábmajij dagi ij gásik besa.»
(Harald Gaski, 2004)

*Prosjæktajuogos sihtá dág dokumentav låhpadit degu dát báhkovájas
giehttú, ij la álkke bierggit jus ælla máhtudagá.*

7. Referánsa

Bals, M., A.L, Skre, I., & Kvernmo, S. (2010). Internalization symptoms, perceived discrimination, and ethnic identity in indigenus Sami and non- Sami youth in Arctic Norway. *Ethnicity & Health*, 15 (2), 165-179.

Bals, M., Turi, A L., Skre, I., Kvernmo, S. (2011). The relationship between internalizing and externalizing symptoms and cultural resilience factors in lndigenous Sami youth from Arctic Norway. *Internationale Journal of Circumpolar Health*, 70(1), 37-45.

Bals, M., Turi, A. L., Skre, I., & Kvernmo, S. (2011). Self- reported internalization symptoms and family factors in indigenous Sami and non- Sami adolescents in North Norway. *Journal of Adolescence*, 34(4), 759-766.

Broderstad, A. R., Melhus, M., Brustad, M., & Lund, E. (2011). Iron stores in relation to dietary patterns in a multiethnic population: the SAMINOR study. *Public Health Nutrition*, 14(6), 1039-1046. doi:10.1017/S1368980010003289

Broderstad, A. R., Hansen, S., Melhus, M., & Broderstad, A. R. (2019). The second clinical survey of the population-based study on health and living conditions in regions with Sami and Norwegian populations - the SAMINOR 2 Clinical Survey: Performing indigenous health research in a multiethnic landscape. *Scand J Public Health*, 1403494819845574-1403494819845574. doi:10.1177/1403494819845574

Brzozowski Jodi-Anne T-BAAJS. Victimization and offending among the Aboriginal population in Canada. In: Canada JS, editor.: Canadian centre for Justice Statistics; 2006.

Curtis T, Larsen FB, Helweg-Larsen K, Bjerregaard P. Violence, sexual abuse and health in Greenland. *Int J Circumpolar Health*. 2002;61(2):110-22.

Daerga (2017). *Att leva i två varldar- helsoaspektet blant renskötande samer*. Umeå Universitetet

Dunfjeld, G. & Møllersen, S. (2010). *Samisk psykisk helsevern*: 203

Eckhoff, C., Sørvold, MT., & Kvernmo, S. (2019). Adolescent self-harm and suicidal behavior and young adult outcomes in indigenous and non-indigenous people. *European Child and Adolescent Psychiatry* s. 1-11, Sep 18. doi: 10.1007/s00787-019-01406-5. [Epub ahead of print]. PMID:31535214

Eliassen, B.-M., Braaten, T., Melhus, M., Hansen, K.L., & Broderstad, A.R.(2012)Acculturation and self- rated health among Artic indigenous peoples: a population- based cross- sectional study. *BMC Public Health*, 12, 948.

Eliassen, B.-M., Graff-Iversen, S., Melhus, M., Løchen, M.-L., & Broderstad, A. R. (2014). Ethnic difference in the prevalence of angina pectoris in Sami and non-Sami populations: the SAMINOR study. *International Journal of Circumpolar Health*, 73(1). doi:10.3402/ijch.v73.21310

Eriksen AMA. "Breaking the silence" : interpersonal violence and health among Sami and non-Sami - a population-based study in Mid- and Northern Norway. Tromsø: UiT The Arctic University of Tromsø, Faculty of Health Sciences, Department of Community Medicine; 2017.

Eriksen AMA, Hansen KL, Javo C, Schei B. Emotional, physical and sexual violence among Sami and non-Sami populations in Norway: The SAMINOR 2 questionnaire study. Scandinavian journal of public health. 2015;43(6):588-96.

Eriksen, A. M. A., Hansen, K. L., Javo, C., & Schei, B. (2015). Emotional, physical and sexual violence among Sami and non-Sami populations in Norway: The SAMINOR 2 questionnaire study. *Scand J Public Health*, 43(6), 588-596. doi:10.1177/1403494815585936

Gaski (2004). Tiden er et skip som ikke kaster anker. Samiske ordtak

Haldorsen, T. & Tynes, T. (2005). Cancer in the Sami population of North Norway, 1970-1997

Hansen, K. L., & Sorlie, T. (2012). Ethnic discrimination and psychological distress: a study of Sami and non-Sami populations in Norway. *Transcult Psychiatry*, 49(1), 26-50. doi:10.1177/1363461511433944

Helsedirektoratet. (2017). *Nasjonal faglig retningslinje om demens*. Retrieved from <https://helsedirektoratet.no/retningslinjer/nasjonal-faglig-retningslinje-om-demens>

Varresvuhta Nuortta (2019). «*Helsetjenester for eldre*» Plan for samhandling mellom Varresvuhta Nuortta og kommunehelsetjenesten

Kalstad (2016). Overordnet organisering av spesialisthelsetjenestene til den samiske befolkningen i Norge

Kvernmo, S. (2014). Tiden er et skip som ikke kaster anker. *Utposten*, (6).

Kvernmo, S., & Heyerdahl, S. (1998). Influence of ethnic factors on behavior problems in indigenous Sami and majority Norwegian adolescents. *Journal of the American Academy og Child and Adolescent Psychiatry*, 37(7), 743-751.

Kvernmo, S., & Heyerdahl, S. (2003). Acculturation strategies and ethnic identity as predictors of behavior problems in arctic minority adolescents. *Journal of the American Academy og Child and Adolescent Psychiatry*, 42(1), 57-65.

Kvernmo, S., & Heyerdahl, S. (2004). Ethnic Identity and Acculturation Attitudes among indigenous Norwegian Sami and Ethnocultural Kven Adolescents. *Journal of Adolescent Research*, 19(5), 512-532.

Meld. St. 11. Nasjonála varresvuoda- ja skihppijviessopládna(2016-2019).

Mikton, C. R., Butchart, A., Dahlberg, L L., & Krug, E. G. (2016). Global Status Report on Violence Prevention 2014. *American Journal of Preventive Medicine*, 50 (5), 652-659.

Myklevoll, K., & Norge Sosial- og h. (1995). *Plan for helse- og sosialtjenester til den samiske befolkning i Norge*(Vol. NOU 1995:6).

Møllersen, Stordahl, Tørres, & Eira-Åhrèn, (2016). Reindriftas hverdag – interne og eksterne faktorer som kan påvirke psykisk helse. Delrapport 1, SÁNAM-NRL.

Naseribafrouei, A., Eliassen, B.-M., Melhus, M., Svarthberg, J., & Broderstad, A. R. (2018). Prevalence of pre-diabetes and type 2 diabetes mellitus among Sami and non-Sami men and women in Northern Norway - The SAMINOR 2 Clinical Survey. *International Journal of Circumpolar Health*, 77(1). doi:10.1080/22423982.2018.1463786

Naseribafrouei, A., Eliassen, B. M., Melhus, M., Svarthberg, J., & Broderstad, A. R. (2019). Estimated 8-year cumulative incidence of diabetes mellitus among Sami and non-Sami inhabitants of Northern Norway- The SAMINOR Study.

NOU 18. Hjertespråket (2016).

Nystad, T., Melhus, M., Brustad, M., & Lund, E. (2010). Ethnic differences in the prevalence of general and central obesity among the Sami and Norwegian

populations: The SAMINOR study. *Scand J Public Health*, 38(1), 17-24.
doi:10.1177/1403494809354791

Nystad, T., Melhus, M., & Lund, E. (2006). The monolingual Sami population is less satisfied with the primary health care. *Samisktalende er mindre fornøyd med legetjenestene*, 126(6).

Pedersen C, Bjerregaard, P. Det svære ungdomsliv. Unges Trivsel i Grønland 2011- en undersøgelse blandt de ældste folkeskoleelever. København: Syddansk Universitet. Statens Institut for Folkesundhed; 2013. Report No.: 1601-7765.

Regjeringens demensplan (2020)

Reigstad, B. & Kvernmo, S. (2017). Concurrent adversities and suicide attempts among Sami and non-Sami adolescents: the Norwegian Arctic Adolescent Study (NAAHS). *Nord J Psychiatry*. 2017 Aug;71(6):425-432. doi: 10.1080/08039488.2017.1315175. Epub 2017 May 9.

Silviken, A., Haldorsen, T. & Kvernmo, S. (2006). Suicide among Indigenous Sami in Arctic Norway, 1970-1998. *European Journal of Epidemiology* 21:707-713

Silviken, A. & Kvernmo, S. (2007). Suicide attempts among indigenous Sami adolescents and majority peers in Arctic Norway: Prevalence and associated risk factors. *Journal of Adolescence* 30 (4): 613-626

Silviken A (2011). " Reindrift på helsa løs" - Arbeidsrelatert stress i reindriftsnæringen i lys av Mark Williams modell "Cry of pain". *Suicidologi* 3: 10-14

Spein, A. R., Sexton, H., & Kvernmo, S. (2007). Substance use in young indigenous sami: and ethnocultural and longitudinal perspective. *Substance Use & misuse*, 42(9), 1379-1400.

Stoor P (2016). Plan för suicidprevention bland samer i Norge, Sverige och Finland. SÁNAM.

<https://Finnmárko.skihppijviesso.no/Documents/SÁNAM/Plan%20för%20suicidprevention%20bländ%20samer%20i%20norge%20sverige%20och%20finland.pdf>

Sønstebø, A. (2018) Samisk statistikk. Oslo: Statisk sentralbyrå

Sønstebø, A. (2019) Samiske tall forteller 12

Sørli K., & Broderstad, A.R (2011) Flytting til byer fra distriktsområder med samisk bosetning. Oslo: Norsk institutt for by- og regionforskning.

[https://www.thelancet.com/journals/lancet/article/PIIS0140-6736\(16\)00345-7/fulltext](https://www.thelancet.com/journals/lancet/article/PIIS0140-6736(16)00345-7/fulltext)

Thoresen S, Hjemdal OK. Vold og voldtekt i Norge: en nasjonal forekomststudie av vold i et livsløpsperspektiv. Oslo: Nasjonalt kunnskapssenter om vold og traumatiske stress; 2014.

8. Tjuovos 1: Sáme klinikhka visjåvnnå ja åvddånahttemdåjma

Sáme klinikhka formálalattjat ásaduváj avtajienalasj stivrramærrádusá baktu Finnmárko skihppijvieso stivran vuoratjismáno 29. bieje 2019. Tjuovvusav la Sáme klinikhka klinikhkaoajvve Amund Peder Teigmo tjállám 2019 basádismánon.

Finnmárko skihppijviesso HF la Varresvuhta Nuortta RHF dahkamusdokumenta baktu oadtjum ávdåsvásstádusáv dievnnut sijájt gudi varresvuoda vidnudagá doajmmaguovlon árru. Dahkamussaj gullu aj ávdåsvásstádus Sáme Nasjonála Máhtudakguovdátja Psykalasj varresvuoda suoddjima ja gárevselga (SÁNAM/SANKS) ávdås manna la nasjonála ávdåsvásstádus dutkama, åvddånahttema ja máhtudaklápptima ávdås psykalasj varresvuoda suoddjima ja gárevselgaj ávdås sáme álmmugij. Nasjonála ávdåsvásstádus merkaj aj klinikhka giehtadallam pasientaj Finnmárko álggolin. Varresvuhta Nuortta RHF badjásasj strategidjajn ja aktisasjbarggosjiehtadusán Varresvuhta Nuortta RHF ja Sámedikke gaskan li mærrádusá jut nasjonála doajmma luluj sjaddat ájnas ja dárbulasj vuorodibme gå galggá sáme álmmugij avtaárvvusasj varresvuoda dievnastusájt fállat. Danen sidáj Finnmárko skihppijvieso háldadusdirekterra sáme varresvuoda dievnastusájt organisasjåvnán låggnit váj várjda válldá avtaárvvusasj varresvuoda dievnastusájt sáme álmmugij. Sáme klinikhka álgadibme dássta tjuovvu.

Ulmme

Ulmme lij tjielgadit sáme varresvuoda dievnastusáj organisierimav Finnmárko skihppijvieson. Dán klinikhkan li oase dievnastusájs somatihkan, psykalasj varresvuoda suodjalimen ja gárevselga, dálkkumdievnastus ja Sáme Nasjonála Máhtudakguovdásj Psykalasj varresvuoda suoddjim ja gárevselga (SÁNAM/SANKS). SÁNAM:in la nasjonála ávdåsvásstádus dahkamusájs ma gulluji dutkamij, åvddånahttemij ja máhtudaklápptimij psykalasj varresvuoda suodjalime ja gárevselga sáme álmmugij Vuonan.

Sáme klinikhka ásadibme tjielgat ávdåsvásstádusáv sáme varresvuoda dievnastusáj ávdås Finnmárko skihppijvieson, ja jut dåjma degu somatihkka/sierratjiehppevarresvuoda dievnastusájn, ja nuorttasámegiela dálkkumdievnastus ja oahppam ja bierggimguovdásj LMS) ádå klinikhkkaj gulluji.

Sámegielak pasientajn sáme giellaháldadimguovlon la lágaj milta riektá ietjasa gielav adnet gå li dahkamuhá sierratjiehppevarresvuoda dievnastusájn, ja nuorttasámegiela dálkkumdievnastus la dálla Sáme klinikhkkaj biejadum. Dát dievnastus la sajenis ja gákka Varresvuhta Nuorta varresvuoda vidnudagá bessi dav adnet gå la dárbo dálkkut nuorttasámegiela ja dárogiela gaskan. Sáme dálkå li sajenis video baktu kl. 08.00–22.00 juohkka biejve. Pasienta ja fássta dálktåra máhhti dálkåv diŋŋut navti váj mierkkiji kjernejournálan jali jut dálkkumdárbo journálan diededuvvá.

Visjåvnnå

Sáme klinikhka visjåvnnå la ávddånahttet ja sihkarasstet avtaárvvusasj sierratjiehppevarresvuoda dievnastusájt somatihkan, psykalasj varresvuoda ja báddnumvuoda hárraj sáme álmmugij.

- Klinikhkan la sierralágásj máhtudahka sámegielan ja kultuvran. Ij aktan Nuorttarijkajn dáv fála ja navti la klinikhka mávsulasj sihke nasjonála ja rijkajgasskasasj dásen.
- Klinikhkka ådå vuohkáj ájádallá gå somatihkka ja psykalasj varresvuoda suoddjim ja gárevselga tjoahkkiduvvi avtan klinikhkan.

Namma dættot klinikhka sierraláhkáj sáme varresvuoda dievnastusájt vuorot, sæmmi båttå gå dát la fálaldahka ålles álmmugij.

Dájma guovlo, lánđa ja rijkajgasskasasj dásen

Sáme klinikhka ávddånahteduvvá sámijs, sámegiellaj, sierraláhkáj sáme pasientajda, valla aj vuona varresvuohraj ja rijkajgasskasattjat. Álgoálmukaktijuodan rijkajgasskasattjat la sáme varresvuoda dievnastusájt ávddånbime ja Sáme klinikhka ållu sierralágásj. Uddni juo li miján aktisajbarggosjiehtadusá ráddnásuohkanij Suoman ja Svierigin mij guosská máhtudakjuohkemij ja pasientaj giehtadallamij psykiatrijjan ja báddnumvuodan. Barggap rijkkarájáj rastá aj geriatridjajn.

Viehka ájnas la jut klinikhka oadtju ævtojt ma merkahí dát barggo mähettä joarkket.

Sáme klinikhka galggá ávdemusán liehket mij guosská varresvuoda dievnastusájt fállat sáme premissaj ja dárboj milta, sámegiellaj. Klinikhka sierratjehpuhahka kulturhiebadum varresvuoda dievnastusájt gáktuj agev ávddånbime biejaduvvá guovlo, lánđa ja rijkajgasskasasj dásen.

Sáme vijddát årru ja klinikhka galggá gáhittit jut gájka oadtju avtaárvvusasj dievnastusávtjiehpes barggijs.

Vájku Sáme klinikhka la avta dæhkko vuolláj tjoahkkidum de klinikhka dievnastusájt fállá måttijen saijen barggiij gudi ælla bákjijda tjanádum.

Sáme klinikhka ij la dåssju viesso Gárásjågår – dat la klinikhka sierratjehpuhagájn sámegiela ja kultuvra gáktuj mav jávså medisinalasj guhkestjuovvolime baktu. Gávnuji aj kontåvrå måttijen saijen láandan.

Avtaárvvusasj sierratjiehppevarresvuoda dievnastusá

Klinikhkan la sierralágásj ávdåsvásstádus fállat ja ávddånahttet avtaárvvusasj sierratjiehppevarresvuoda dievnastusájt sáme álmmugij. Klinikhkan galggi liehket integreridum dievnastusá somatihkan, gárevselga ja psykalasj varresvuoda . Duodden galggi klinikhkan nasjonála máhtudakdievnastusá, oahppam- ja bierggimdievnastusá,

geriatriddja ja dálkkumdievnastus. Klinihkan li sierralágásj máhtudagá kulturhiebadum varresvuoda dievnastusáj gáktuj.

Dálkkumdievnastus - ævto

Jagen 2020 galggá dálkkumdievnastus sierraláhkáj vuoroduvvat. Galggá sjaddat viehka álkkep åttjudit dálkåv jus la dárogielak bargge guhti i sámegielav bувte. Dát danen gá galggi buktet dågålasj varresvuoda dievnastusáv fállat.

Dálkkumdievnastus hæhttú oadttjot rudájt váj nahká edna medisijnalasj guhkestjuovvolimev fállat. Medisijnalasj guhkestjuovvolibme la viehka ålov anon åssudagán SÁNAM Sáme klinihkan gánnå moadda pasientajt video baktu tjuovvoli.

Dálkkumdievnastus la dállea Sáme klinihka vuolen, valla dav bierri aj jáhtet klinihka dæhkko vuolláj váj sjaddá fáhkabirás ja váj nanni sámegiela anov – sierraláhkáj medisijna terminologijjav. Dille l láttedum váj bæssá dálkåv video baktu adnet, ja uddni juo bessi sámegielak dálkå ietjasa dievnastusájt fállat guhkestjuovvolime baktu ländav miehtáj. Vuojnnet dálkkumdievnastus ilá binnáv aneduvvá, dat soajttá boahdá dassta gáktu dálkkumdievnastus la organisieridum.

Dájma: IKT-vædtsak DIPS Arena hiebaduvvá váj sjaddá álkkep dálkåv dijngut ja váj bæssá anov evaluerit stivrrimdahtávædtsaga *Helse Nords Ledelsesinformasjonssystem (HN LIS)* baktu.

Budsjætta/ruhtadibme

IKT/DIPS Arena ja *Helse Nords Ledelsesinformasjonssystem* vuordeduvvá tjadáduvvam vidnudakdásen oajvvadusá milta.

Budsjætta/ruhtadibme dálkkumdievnastusá ævto

- Bálkká birrusij	500 000, – jahkáj
- Sosiála gólo birrusij	130 000, – (70 000, – KLP ja 60 000,- loahperudá)
- Doajmmagálo	<u>70 000, – (vædtsaga, mano jnv.)</u>
Tjoahkkáj	700 000, –

Giella- ja járggålimdievnastus

Álmmuk vuorddá diedoxt sámegiellaj Sáme klinihkas. Uddni gielladievnastusá oasteduvvi.

Gielladievnastusáj ruhtadimev hæhttú sisi biedjat váj nahkap gielladárbov ållidit.

Budsjætta/ruhtadibme giella- ja járggålimdievnastus

- Bálkká birrusij	500 000,– jahkáj
-------------------	------------------

- Sosiála gálo birrusij	130 000,- (70 000,- KLP ja 60 000,- loahperudá)
- Doajmmagálo	<u>70 000,- (vædtsaga, mano jnv.)</u>
Tjoahkkáj	700 000,-

Mánájdåktårvirgge

Mánájdåktårvirgev ásadit tjuovvu ávdep guoradallambargoj milta:

- Referáhtta tjåhkanimes (HNFS241017).
- Guoradallam sáme varresvuoda párkka (Utredning og anbefalinger om innhold og organisering av spesialisthelsetjenestetilbudet i Sámi dearvvašvuodá siida – Samisk helsepark, Kvernmo).
- Ávddånahttem mánájåssudahka. (Stivrratjåhkanibme Finnmárko skihppijvieson ássje 47.2015.) Sámegielak mánájdåktår luluj ållidit sierraláhkáj sámegielak mánáj dárbojt pedatrijjan, valla aj aktisasjbarggon SÁNAM:ajn.

Klinikhka galggá ávkástallat máhtudagájt profesjåvnåj rastá. Guoskavasj dåktåra máhtudagá ultrajiena, allergologiddja ja ráhtjastimássjii boahtha ávkken gájka mánájda Finnmárko skihppijvieso guovlon.

Budsjætta/ruhtadibmem mánájdåktårvirgge

- Bálkká birrusij	1 200 000,- jahkáj
- Sosiála gálo birrusij	240 000,-
- Doajmmagálo	<u>70 000,- (vædtsaga, mano jnv.)</u>
Tjoahkkáj	1 510 000,-

Vásáduskonsulænnta - oahpestiddje

Mañemus jagijt la lähkám edna fokus ja berustibme almma addnijoassálasstemij suohkan- ja sierratjiehppevarresvuoda dievnastusán. Ienemus vidnudagájn Vuonan la dálálgasj láhkáj biejaduvvam akta jali moadda vásáduskonsulenta stuoves virgijn.

Addnijoassálasstem galggá sajenis lágaj milta ja danen hæhttua sierratjiehppevarresvuoda dievnastus addnij vásádusájt vuorkkit, buorre giehtadallamav fállat ja buoredit ja ávddånahttet dakhamusájt ma dálátjij ælla dágålasj láhkáj várajda váldedum addnij/lagámusáj gáktuj.

Uddni gávnnuji moadda vásáduskonsulenta gej dárogielak pasienta ja lagámusá bessi guládallat Vuonan. Finnmárko skihppijviesso vas la vehi sierralágásj gå dáppe ij la vásáduskonsulænnta stuoves virgen. Luluj viehka ájnas jut sámegielak pasientajn ja lagámusájn la «sahte ulmusj» gejna bessi rádádallat.

Uddni la Sáme klinikhkan ájnaa oahpestiddje/vásáduskonsulænnta gut sámegielav buktá. Viehka ájnas la jut aj sáme pasienta ja lagámusá bessi viehkev oadttjot «sahte ulmutjis» ja

jut Sáme klinihkan la almma addnijoassálásstem. Sáme klinihkas sjaddap oajvvadit jut Finnmárko skihppijviesso áhtså Varresvuhta Nuortta RHF (gudi sáme sierratjiehppevarresvuoda dievnastusá ávdås vásstedi) rudájt virggáj biedjat sáme oahpestiddjev/vásáduskonsulentav stuoves 100 % virgen. Ávttjip Varresvuhta Nuortta RHF jut áhtsåmusáv dâhkkidi.

Budsjætta/ruhtadibme vásáduskonsulænnta - oahpestiddje

- Bálkká birrusij	500 000,- jahkáj
- Sosiála gálo birrusij	130 000,- (70 000,- KLP ja 60 000,- loahperudá)
- Doajmmagálo	<u>70 000,- (vædtsaga, mano jnv.)</u>
Tjoahkkáj	700 000,-

Sáme geriatriddja juogos

Juogos galggá virggáj biejaduvvat 2020 nalluj. Juohkusin galggá 100 % geriatricar (åvdep gájkkásasj praktihkkár tjehppe gænna lij geriatriddja virgge la dállea klinihkkaoajvven álggám), 100 % geriatriddja skihppisujttár, nevropsykolåvgggå oassevirgen (juo virggáj biejadum SÁNAM:an), 100 % ergoterapevtta, 100 % fysioterapevtta ja logopeda oassevirgen. Ålles juogos galggá jádon ja ålles dåjman 2020 tjavtja rájes. Juogos galggá nasjonála dásen barggat ja gábtjtját sáme suohkanijt (sáme giellaháldadimguovlov) ja ietjá suohkanijt sáme álmmugijn – sihke jáhtte dåjma ja telematihka baktu, valla aj navti váj bæssá iesj boahtet Sáme Klinihkkaj gå dat la vuogas. Ulmme l aj dán juohkusin galggá nasjonála máhtudakdoajmma.

Budsjætta/ruhtadibme

E gávnnu testa ma li dågållattja sáme pasientaj hárráj. Danen hæhttuj geriatriddja juogos adnet kr 60 000, - járggållittjat NORKOG-testbatterijav (dát testbatteriddja la nasjonála standard). Vuordeduvvi edna giellagálo tjanádum járggålibmáj, validierimij ja dálkkumij. Geriatriddja juohkusa dåjma gulluji muhtem mudduj aj «Dálkkumdievnastus - ævto» ja «Giella- ja járggålimdievnastus» dåjmajda.

Nasjonála máhtudakdievnastusá - DjÅ (FoU)

Klinihkan la juo nasjonála máhtudakfunksjávnnå. Nasjonála máhtudakdievnastusá galggi sihkarasstet nasjonála máhtudaktsieggimav ja máhtudakjuohkemav ietjas mierredum fáhkasuorgen, ja dåjmalattjat viehkedit máhtudaktsieggimij ja bagádallamij dán fáhkasuorgen, ietjá dievnastus fálaldiddijda, addnijda, lagámusájda ja álmmugij ietján.

Ulmme la máhtudakdievnastussaj galggá aj geriatriddja gullut.

§ 4-6 Nasjonála máhtudakdievnastusá dahkamusá

Nasjonála máhtudakdievnastusá galggi tjuovvovasj dahkamusájt tjoavddet ietjasa suorgen:

- Máhtudagáv tsieggit ja gaskostit
- Giehtadallambáhtusijt gáhttit ja gaskostit
- Oassálásstet dutkamij ja dutkijværmádagáj ásadibmáj
- Doarjjot guoskavasj áhpadimev
- Bærrájgæhettjat jut bagádallá, máhtudagájt gaskos varresvuoda- ja huksodievnastussaj, ietjá dievnastusfáladiddjija ja addnijda
- Jåhtuj biedjat dåjmajt váj gágka bessi avtaárvvusattjat adnet nasjonála máhtudakdievnastusájt
- Doarjjot nasjonála njuolgadusáj ja máhttovuododum praksisa sajáduhttemij
- Fágalsj referánssajuohkusijt ásadir
- Jahkásattjat rapportierit departemænntaj jali dan orgádnaj mav departemænnta mierret

Vijdedum ja nannidum DjÅ avtadahka – aktisasj somatihkkaj, báddnumij ja psykijatriddjaj

SÁNAM:a udnásj DjÅ-avtadahka bierri viehka ednagit nanniduvvat – sihke dutkij ja viehkkebarggij. Sáme varresvuoda dievnastusán vádnuni edna dokumentierim. Vuona njuolgadusá ma tjerdalasjvuoda registrierimav hieredi la dahkam váj tállamateriála vádnuni – mij vas luluj ávkken gå galggá varresvuoda dievnastusájt mierredit ja plánit. Miján la ráhtto dákkir dokumentasjávnåv åttjudit sadjásis.

Avtadahka beras luluj aktisasj gágka fáhkasuorgijda – dat merkaj somatihkka aj bierri fáron. Sæmmi bále bierri DjÅ-fåndav lasedit.

Mij guosská vásádusgaskostibmáj ja studentaj áhpadibmáj, de la ulmme jut aj somahtalasj doajmma Sierratjehppedåktår guovdátjis sebrudahteduvvá Campus Finnmárkkuj. Dát la viek buoragit doajmmam SÁNAM:aj.

Dåjma:

Dárbaj ienep rudájt váj bæssá:

- DjÅ-avtadahkaj bierri aj Sáme klinikhka somahtalasj oasse gullut
- DjÅ nanniduvvá ienep barggij
- DjÅ-foannda laseduvvá váj dåppe gávnnuji rudá somahtalasj dutkamij aj
- Sierratjehppedåktår guovdátja medisijnstudentaj áhpadibme tjanáduvvá Campus Finnmárkkuj

- Bálkká birrusij	500 000,- jahkáj
- Sosiála gólo birrusij	130 000,- (70 000,- KLP ja 60 000,- loahperudá)
- Doajmmagálo	70 000,- (<u>vædtsaga, mano jnv.</u>)
Tjoahkkáj	700 000,-

Dåjma tjoahkkájgiesedum

1. DIPS-arienáv hiebadit váj álkkebun sjaddá dálkkumdievnastusájt dijn̄gut (ævto)
2. HN-LIS hiebadit váj evalueri dálkkumdievnastusáj ja giehtadallamjådov (vidnudakdásen)
3. Rudá dálkkumdievnastussaj váj sjaddi medisijnalasj guhkástjuovvolime stuorra buvtadiddjen (ævto)
4. Dálkkumdievnastusáv fusalattjat jáhtet Hammerfestas Gárásjåhkåj sæmmi dæhkko vuolláj gå Sáme klinihkka (ævto)
5. Dálkkumdievnastus ávddånahteduvvá váj dasi gulluji aj giella- ja járggålimdievnastusá (ævto)
6. Mánájdäktårv ättjudit (virgge)
7. Vásáduskonsulentav/oahpestiddjev virggáj biedjat (virgge)
8. Sáme geriatriddja juogos (gehtja dálkkå ja giella)
9. DjÅ (ævto)